

# 輕世金書

上海土山灣印書館印

一千九百二十三年 重刊

# 輕世金書

上海土山灣印書館

N° 395 2000 5-23

Emmanuel Diaz (junior. 1574-1659), s. j.

*De contemptu mundi aureus liber*

seu operis

**DE. IMITATIONE CHRISTI**

TRANSLATIO LIBERA.

---

江蘇主敎姚准  
一千九百二十三年

小引

客警書頌。訝曰。世熱譴劣。人匪掩曖。僉知。先生  
譯茲。毋乃虛營。答曰。世譴誠然。克振拔者幾。聖  
經云。眾人竟敗。靈目悉眯。鮮哉冀明厥行。詎云  
虛營。幾欲操觚。獲篤瑪大賢書。覩縷厥理。若翫  
茲書。明悟頓啓。愛欲脩發洞世醜。曰。輕世。且讀  
貴若寶礦。亦曰金書。翫而弗斲。貧兒暴富。無庸  
蒐廣籍也。統括四卷。若鍼南指。示人遊在弗舛。

初導興程。冀人改愆。卻舊徙新識已。次導繼程。棄俗幻樂。飫道真滋。始肄默工。次又導終程。示以悟入默想。已精求精。末則論主聖體。若庀豐宴福。善士竟程。爲程工報。茲四帙大意也。書理夷而奇。咀而愈味。但人攻敝。或竑遵誠。或強希聖。雖趣志人殊。然知翫僉裨。是書奚可少哉。昔賢歷回回邦。王延觀國寶。旣閱羣書藏。出茲書曰。知是書耶。賢曰。茲乃聖教神書。王不從。焉

用。王曰。寡人寶聚皆貴。茲書厥極。蓋寶外飾。是書內飾。欽哉。西士讚厥益曰。人或撓疑。或罹患。罔策決脫。若應手攤書。卽獲決脫。厥效神哉。又擬曰。經記昔主自空命降滋味謂瑪納。因字教眾。奇矣其奇。味雖惟一。公含諸味。人貪某味。瑪納卽應。書惟一。諸德之集。自逞之抑。自諉之勗。失心之望。怠靈之策。妄豫之禁。虛恐之釋。惡德之阻。善德之進。靈病之神劑也。自天降臨瑪納。

信乎。諸會士日覽。貲若神糧。是故譯之。友法茲探驗靈健。蒙裨奢矣。

極西陽瑪諾識

輕世金書目錄 卷一

師主實行輕世幻光

一章

一張

思性本微

二章

二張

主訓真實

三章

三張

行事預宜察機

四章

五張

恒誦聖經善書

五章

六張

禁情踰節

六章

七張

勿望世彰己

七章

七張

密締須防

八章

八張

絕意順長

九章

八張



浪談宜禁

十章

九張

求寧慕進

十一章

十張

世苦有益

十二章

十一張

渡世誘患難脫

十三章

十二張

勿輕察人

十四章

十四張

愛德益行

十五章

十四張

恕數

十六章

十五張

修士神工

十七章

十六張

師法先聖

十八章

十七張

善士宜勉恒進

十九章

十八張

厭囂忻默

二十章

十九張

祈主眞悔

二十一章

二十二張

僑世多艱

二十二章

二十三張

恒憶死期

二十三章

二十五張

時念判嚴罰永

二十四章

二十七張

勤新更舊

二十五章

二十九張

卷 二

善士習翫締主

一章

三十三張

以謙耐欺

二章

三十五張

和己洽人

三章

三十五張

行預定趣

四章

三十七張

思本性劣

五章

三十八張

靈淨恒愉

六章

三十九張

愛主物上

七章

四十張

締主如友

八章

四十一張

僑世苦樂遞遷

九章

四十二張

感主諸恩

十章

四十四張

忻荷聖架者稀

十一章

四十五張

聖架躋天孔道

十二章

四十七張

靜聆聖訓

一章

五十一張

主密斯善靈

二章

五十二張

以謙承主聖言

三章

五十三張

祈賜健志奉主

四章

五十四張

事主惟真惟謙

五章

五十五張

愛德奇妙

六章

五十六張

迓苦徵愛

七章

五十八張

謙易受恩

八章

五十九張

認己本卑

九章

六十一張

有善歸主

十章

六十二張

事主輕世致樂

十一章

六十三張

行先審意

十二章

六十四張

忍欺克己

十三章

六十五張

師主謙順

十四章

六十六張

懼主淵旨抑傲

十五章

六十七張

勿輕信欲宜依主命

十六章

六十八張

祈洽聖意

十七章

六十八張

真樂由主

十八章

六十九張

靈資仗主

十九章

七十張

主耐苦真範

二十章

七十一張

訾詈試忍

二十一章

七十二張

認性劣世醜

二十二章

七十二張

安於恩主主恩之上

二十三章

七十四張

思戴主恩

二十四章

七十五張

心坦由四

二十五章

七十七張

祈熄惡念

二十六章

七十七張

祈資真光

二十七章

七十八張

毋察人務

二十八章

七十八張

平心進德之由

二十九章

七十九張

祈主啟悟節用

三十章

八十張

私愛大礙聖寵

三十一章

八十一張

祈主耀靈

三十二章

八十一張

以耐承誹

三十三章

八十二張

苦時宜體聖命

三十四章

八十三張

憫患惟主

三十五章

八十三張

物遠主近

三十六章

八十五張

輕己翦貪

三十七章

八十六張

心志莫定向主乃定

三十八章

八十八張

愛主致怡

三十九章

八十八張

世患魔誘難免

四十章

八十九張

輕人之妄議

四十一章

九十張

己事託主寧心善則

四十二章

九十一張

以智理物祈主自解

四十三章

九十二張

行事忌數

四十四章

九十三張

有善毋夸無歸己績

四十五章

九十三張

藐世榮貴

四十六章

九十五張

善友艱致心寧

四十七章

九十五張

哲士輕俗狡知

四十八章

九十六張

閒務愾心

四十九章

九十七張

浮言毋輕允

五十章

九十八張



祈祐耐毀

五十一章

九十九張

人想天疇易承世艱

五十二章

一百一張

天樂世苦情態丕殊

五十三章

一百二張

世憂處先天疇處後

五十四章

一百四張

怙主耐患

五十五章

一百六張

內愴習外善務

五十六章

一百八張

毋怙績祈樂宜認罪應罰

五十七章

一百九張

世愉主愛相悖

五十八章

一百十張

聖寵私欲頓殊

五十九章

一百十一張

聖寵勵人性弱

六十章

一百十二張

從主若弟從師

六十一章

一百十四張

落時勿喪志

六十二章

一百十五張

聖意毋測

六十三章

一百十七張

仗主行事

六十四章

一百十九張

## 卷 四

聖體領時宜窮寅畏

一章

一百二十一張

聖體主愛善表

二章

一百二十四張

頻領裨靈

三章

一百二十六張

領聖體併受超恩

四章

一百二十七張

聖體之貴司祭之能

五章

一百二十八張

領前祈主示工

六章

一百三十張

主諭

七章

一百三十張

領先獻已於主

八章

一百三十一張

領時爲人爲己祈

九章

一百三十二張

爲微阻勿緩領

十章

一百三十三張

聖體聖經毓靈

十一章

一百三十四張

領須劇脩

十二章

一百三十六張

領時祈主締靈

十三章

一百三十七張

效法善士歆領

十四章

一百三十八張

以謙承恩

十五章

一百三十九張

領先列需求拯

十六章

一百四十張

熾心慕領

十七章

一百四十張

實信聖體勿究厥理

十八章

一百四十一張

經世金書 目錄

十四

輕世金書卷一凡二十五章

極西陽園書譯

甬上門人集案先訂

師主實行輕世幻光一章

主人從余。罔履冥崎。恒享神生真光。

茲主訓也。示人欲掃心翳。慕靈輝者。宜師主行。而時趨之。嘿行焉。咀言焉。主言超諸聖語。勤法主行。則晰主言。奈人羣聆訓。衰如充耳。憚於效行。故欲徹主言。須遵主行。汝以高論。稱譽聖三。若乏謙愛。反致聖三之怒。高論奚裨。故首德。次言。明曉理。可。嗜厥益。尤可。友雖博極。今昔聖賢華論。透古今經書。

奧旨。設匪愛主。靈乏聖寵。學亦荒已。愛主而事之。輕世幻光。重天純嘏。斯真知實學也哉。嗟人蚩蚩。徒戀名利瞬禧。弗虞後患永繆。殆且虛也。諺曰。俗物不飫目。綺語莫饜耳。惟心遠世。神游於天。斯善士急務。若從邪心沔。聖愛必迷矣。

思性本微二章

格物情。窮眾理。人恒樂之。惟不想主。厥知虛也。與其傲而忘己。務稽諸天。毋寧謙而尙質。嚴省諸己。蓋時識己。必能卑己。聞譽則憂。知萬理。而罔聖寵。僉虛知哉。判期寬吾知。嚴吾行也。毋急乎知。庶免心散履錯。才力者率冀知。無不達。然世物罔裨吾靈。急知而緩靈益悖矣。繁言莫饜靈。善行足怡心。判

時。曷畏抵主前耶。夫知彌精廣。判愈嚴密。知可揚乎。可想也。  
倘汝昧云。吾知廣精。盍思。汝囿萬物內。知僅兆中之一耳。彰  
汝知乎。彰汝愚耳。勿云。吾逾古賢眾。古賢逾汝亦眾。汝第踵  
後。輕己避人。憚譽冀辱。抑己功。仰人德。智德顯微也。汝昆偶  
隳辜。戒之。宜勿誇汝德。德執永暫。汝豈豫知。人皆至弱。自視  
若極弱可。

主訓真實 三章

主躬訓人。弗用外像以示。誠福人也。憑臆多謬。悟光耿耳。務  
明奧理。詎非虛圖。明外物。忽眎內情。曷勝矇昧。作意厭觀。明  
辯類物。身後奚與。奇主單詞。羣疑可掃。蓋主詞。聖子則是。物



僉出彼。爲彼形聲。彼無始。乃言垂諭世。世違之。悟昏。所審必  
謬。惟人視主爲物原。視物若視主。物悉歸主。主乃寧息其內。  
噫嘻真主錫余永締。予夙願也。吾嘗厭讀世書。嫌聆世言。惟  
恒洽主。爲吾夙望。主前眾喙緘舌。萬物息聲。獨主諭吾。僕心  
彌歛。妙理彌明。超光彌瞭。毅士樸純。世務罔溷其心。務悉歸  
主。夫進德多阻。何哉。邪情憚久故也。實德哲人。將行外行。豫  
正內也。嘉兮勇兮。時敵邪情。使靈日臻。吾輩急且難務也。惜  
吾善駁。輝少冥多。欲徹主奇。勿勤尋理。惟勤謙己。誠爲正途。  
物由主出。推究厥理。亦善匪過。但預淨靈善生。斯實究也。人  
率先知後德。故德鮮慝繁。設德偕知均。世免多訕。士免多辜。

末日弗詢汝所覽。博也約也所言。華也俚也。特判汝行之妍也。嫌也。汝已閱賢多矣。生世耀目。今安在耶。繼賢承俸。忘彼易。憶彼艱。則知世榮遠。瞋即散也。使德符學。學乃善。嗚呼。覓虛知。不圖事主。厥靈究論。通愚乎。冀尊厭卑。恒情乎。夫士有聖愛。則高。藐榮卑己。則大。輕物重主。則安。體主心。而卸私意。則智。

行事預宜察機 四章

輕信人言。妄順私臆。僉敗事也。必預察機。祈啓事。乃克濟。世俗聆人之短。易允而輕漏。聆人之長。難信而致疑。若篤學真士。則游詞難入。蓋知吾性。溺僻情易。陷漂說。尤易。行事無遽

毋執。惟預詳訪。若值德彥。咨之可。寘己從之愈可。人善厥生。易周厥智。易爲達練老成。故卑己尊主。悟則彌瑩。心則彌坦。

恒誦聖經善書 五章

誦聖經等書。求實。勿求文。主併諸聖。以聖意剪書。吾亦可以聖意誦之。圖裨靈明。毋圖悅聽。章句。或雅或俚。吾惟坦心以誦。勿曰。作者何士。行文淺深。惟眎其書之旨。作者骨雖已朽。其精意偕主真訓。恒留書內。主冀吾聆。不判彼此。奈人喜察超理。卒莫承裨。夫欲承之。則宜遜矣。勿怙己睿。勿以言俚而逆意。勿以理在而加損。以沽儒者名。或時值理有不決。可虛衷以問。勿遽輕古賢喻。古之賢者。皆有爲也。敢不欽哉。

禁情踰節 六章

人不節欲。奚得寧哉。傲妬貪恠。竟罔平也。神貧謙士。時享寧輯。人有萎芟未拔。魔誘乍撼。卽偃靈屈。則易聽軀聲。而纏物易。遏欲難。致恒愁也。有忠言逆耳。厭聽且訝。惜乎厥迷。時循己私。踰時心受芟也。噫。循私爲覓快心。實失寧心。則知節欲抵平。殉欲致怒。

勿虛望世勿妄彰己 七章

望世望人。虛望也哉。爲主事人。雖匱貲。勿羞也。興行者。勿怙本力固執。惟冀主祐。事主竟力。主鑒汝忠必祐。勿恃汝智。勿倚人慧。惟賴主可。多財勿肆。締貴勿侈。主欲與人以物。愈欲

與人以已。勿喜軀魁偉。微疾卽羸。勿恃己才。主怒乃免。性善出彼。勿歸人。決於理。勿伐善德徽美。知主度爾如何。世衡量爽。人所常揚主或抑之。吾有善。思人尤愈於己。謙居善策也。欲處眾後。則靖。冀先獨一。則危。謙者恒坦。傲者恒紛。

密締須防 八章

預察人情。勿輕送心。可與議者。畏主哲士也。密締兒童。干諛富貴。奚裨矣。益德。莫若締謙朴者。若婦雖有淑行。代祈而免我親。夫邇上主。近天神。迺汝切務。可泛愛。叵密親也。人遐而聆吾名。慨欽德輝。及至邇我。視聞過實。反輕之矣。可不審哉。

絕意順長 九章

聽長克私。巍德哉。順命坦路。逆命險徑。忌坦走險者。多矣。夫聽。弗由愛。由強。心則靡寧。而輕訕長。倘士爲主不伏。弗聽厥上命。在茲在彼。莫獲平寧。忤交順己者。人常情也。惟舍己從衆。圖協釋競。真正道哉。冥兮吾光。智德誰該。怙睿。弗詢衆則叵。汝意雖善。猶甘聽人抑己。以免互爭。盛德徵哉。古賢云。好問決疑。其路坦。獻計解惑。其機危。理應從人。吾猶執己。傲且堅哉。

浪談宜禁十章

入鬧場。聽漂說。善士攸忌。與俗譟譟。雖無醜意。亦妨德沾。慝曷若靜居之爲宜。或謂。人恒遨外。旋欲息情。嘿道。覺心擾念。

驚。遊曷益哉。曰。世劇刺論。攸愛惡殊。覺快心。然此論皆空。圖外膺忻。失內真愉也。浪游苟言可乎。發論裨人益己。則可。然吾怠於善。緘言惟難。惟同志善友。商道德修。僉益幸矣。

求寧慕進 十一章

罔與汝之言行勿究。恒寧上法也。察人遺已。而欲獲平。難哉。樸者厭外知。誠福士也。問。聖人寓世。日勤嘿道曷故。曰。克己滌邪。事主修靈故。時不妄靡。則善工有餘。吾絆於私。偷于閒。慝因眾矣。不圖克一也。心清。則能熄邪。脫繫悅道。聖德倏抵。彼遭迂意。而息善圖樂。斯亦退驗也。克敵僻情。祈望弗怠。必獲佑。奇矣主意。欲吾勤攻。并欲耐功。吾友特倚外像圖淨。胡

克永耶。芟蓁。致淨法也。歲克一私。淨可迅造。何弗克之。的知正途可登。而日退後。故吾終。視始逾醜。倘向能制情。今必易行德。夫卸惡習。難。勝蓁。尤難也。汝難克纖。曷易克巨哉。始不競競。情萌叢長。搖之不勝。況拔之耶。友思。克己之靜。他友之樂。是懋怠良則。

世苦有益十二章

問世苦奚裨。曰。導人反己。若旅思鄉。不望世。望天。斯三裨者。有訾吾行者。可忻受之。虧盈益謙。奇矣。人妄證吾。吾祈主證。而彰吾行。苦時祈祐。勿游以圖樂。人善。或承侮。或魔誘。或情牽。覺勢難勝。必祈主祐。奈何。冀殞迅抵。逝世詣天。蓋知茲世



無寧也。

渡世誘患難脫十三章

人居浮世。罔有寧字。難脫誘苦。古聖若伯曰。僑世如陳卒。攻鬪靡息。時當祈祐。遯誘。魔寤巡隙。冀入吞靈。雖善人不免。蓋無無誘者。問。誘何裨。曰。使人自謙。銷滓致智。心甘承患。修士坦途。人爲世迂致屈。主腐視之。噫。修院雖聖。士卽闔窻遽入。巖洞雖幽。士卽深居簡出。詎克禁誘。嗟。人咸沾原罪。雖外莫誘。不克防己。首誘僅退。次誘繼之。非強力能禦。惟忍。惟謙。惟祈。勝魔妙算哉。勤斫誘枝。弗除誘芽。誘愈萌。人愈隳醜。時汝困誘。可詢哲士。以勝善術。有苦誘者。汝詢。憐慰之。若欲人待

已焉。人志易變難定。羣誘由是。盍視舟哉。無舵隨飄。汝听夕  
意移。魔乃敢近投誘。然勿訝主許也。火試鐵。誘試善。居平。艱  
知人德。誘抵方顯。勿輕始誘。魔敵卽杜。未入勝易。旣進敵難。  
古賢曰。甫疾易藥。膏肓難療。魔誘有序。初微叩。次頻擊。又次  
人喜願行。後遂魔入。勿忽微誘。始愈寬。力愈弱。魔愈悍也。德  
士受誘雖恒。受之有殊。一始受。一終受。一受重。一受輕。一畢  
世無寧。僉主命也。宗徒保祿云。主執權度稱吾力。依力容誘。  
增人善功。誘時宜謙禱望主。必增寵伸起之。無外患內誘。專  
德曷奇。內外疊苦。忤逆耐承。速進修域。正道哉。吾友倘有重  
誘易勝。有輕易負。宜謙藐己。勝重感主可也。

勿輕察人十四章

吾友察己。奚必察人。察人務幻。差易招尤。察己善工也。噫。私意偏愛。吾罪窒。吾悟光。察人率謬。但吾行時。特求聖意。人雖吾拂。勿訝。恒存心平。杜競倪也。奈或內冥。或外態隱牽。吾情迷然。曰。吾意實正。而實偏也。惟有時。人從吾意。心乃逸寧。偶乖刺心。遂恨難合。惜哉俗人之罪。修士之失。概由於弗協也。噫。人卸惡習。遇迂能伏胥難矣。宜知人勿舍己。弗體聖意。皆卻主神光。主待吾愛之。俟吾伏意。乃卽吾盼也。

愛德益行十五章

爲愛物愛友而迂主。謬矣。爲益人身靈。暫斷善工。不謂之斷。

謂之繼增善行也。行非愛扶。悉寧諸地。愛存。弗論寡多纖巨。僉裨承報。主先察意。次稽行。友謹勿急私緩公。可審汝意。有人行云。率爲愛主。實爲愛己。蓋私僻望報等情。隱內敗行焉。愛主惟願聖意。勿恤私干譽。究主榮光。冀主自己足矣。迺畧肖神聖。時立善行。功歸於主。恃主其寧也。猗與愛德。人獲熱愛一星。則視譽皆輕。觀世若虛。

恕數十六章

汝。昆有偏難正。可耐恕。祈主賜改。主容彼數。欲探汝恕。曷求主報。祈祐勸弱。獲寬恕也。汝友隳再三。可諍扶之。勿與爭。彼數宜恕。猶汝望恕。奈莫匡己逆。欲人已順。人于汝責之。汝違。

道責。人求。汝弗許。汝求。冀人速諾。欲人緊拘。汝欲寬縱。茲皆  
拂理之欲。罔愛之徵。設僉作聖順汝。汝恕德空賚。主欲人我  
交恕。重任交荷。斯則互通功。噫。孰無差忒哉。孰荷重任。而無  
需人扶哉。則不胥互慰。可乎。誘罔損德。指德健。或劣也。

修士神工十七章

友欲諧眾。須寘己協眾。勿傷乃心。孔德徵也。士始終是祉哉。  
視己若旅世。損益毋卹。斯乃坦直修途。外服道衣。匪內修奚  
益。卸<sub>レ</sub>衰事主。習靜裨靈。修始真交修侶。欲存心寧。輕己重人。  
其善法哉。友曷進修。欲暇遣日。欲蒞同儕耶。耐辱恕數。斯厥  
職也。堂廼試德窟。傲而忘謙。奚堪試之。

師法先聖十八章

先聖之行。吾鑒也。吾行較彼若無。吾生擬彼若虛。彼時彷彿主。淡餐耐冷。裸跣晝夜默道。患至挺迓無斂。如宗徒者。如致命者。如童修者。僉輕暫重永。試觀隱修劇苦。魔誘之。嚴齋默道。慕來善。忘往績。昕勞身。夕毓靈。外務不輟靈工。長時視如隙駒。苦爲伏身。默爲育靈。節用貲生。棄財遺爵。謝世離親。棄友。世物不牽。外乏而內豐。遐世以邇主。自視若小。主視之若大。心謙甘恕。互愛順長。善漸積。而德日新。吾視厥勳。叵顧眾情。噫。諸聖會肇建。士偕默工罔絕。此師彼德。彼則此行。聞上命甘行之。德踪印世固永也。嗟予靈劣。以遵十誠爲德。微苦當

功甫進遂止。昔靈尙熱。今心澹甚。友旣覩修士多奇。宜寐耶寤耶。

善士宜勉恒進十九章

友外有嘉名。內宜尤精。蓋主視內。厥視允可畏。當師天神。純心策怠。若始進。視汝工。若自今甫興。對主曰。祐志扶工。往工靡一存。善志宜先。善行從之。欲進德。先定志。志士時隳矧懦輩。人斷初志。惟由厭倦。敗靈喪德。士勿全恃善志。厥志克成。由主祐。非由我勤。爲益人身靈。暫息善工。續之則易。否則紹難。有礙汝進。先攻務勝。審外察內。彼此或裨。或敗吾靈。弗能頻習嘿工。亦須日一行。或旦或暮。旦豎善志。暮省言行思。或

干。主觸人。塞饗。魔誘罕至。哀情幸息。亦勿曠日。用興誦經。繕書嘿道。諸工恒務。裨人益己。但人力有殊。依量節行工。勿圖人知。勿勤於私。怠於公。公私咸備。憑行善工毓靈。又人趣向有殊。或興嘿想。或樂祈禱。任厥意也可。復宜別期。平日誦某。禮日誦某。憂日喜日誦某。大瞻禮新志祈祐。是日視若終。將偕聖永享天樂。主倘未遽許。可云。吾工尙虧。主暫俟物。惟愈興加勤。聖史路加云。主臨擊扉。僕寤卽啓。眞嘏人哉。主攜躋天膺祉。

厭囂忻嘿二十章

竟便行工。獲裨靈。謝主寵錫。誦書爲益心。非爲填心。禁口出



諛詞。耳聆漂語。足游嬉所。工廼裕。可法古聖之迷人覲主。曾聞修士曰。未交人前。視吾如大。旋視吾如小。訥不招說易。喋不傷人難。處室勿馳易。出戶無玷難。欲保靈渙之善法。避囂嘿道。偕主孤居習靜。雖出。不虞散靈。緘嘿寡言。雖談。不致傷道。修士無茨刺心。厥靈寧逸。嘗天樂味。但僑世樂安未全。樂時宜防來患。惜哉惡輩。厥樂虛空。心迷誕云。吾已足。吾友勿允。主倏訶之。遽敗厥謀。人行善工。勿云余曷懌。緬思多士。怙善以致墮。不欲偕墮。則惟勿偕怙。魔誘世患。丕益吾靈。善士不慕世樂。不覓俗務。特勤神工。神樂心晏則至。世苦與真痛。真樂值價也。經勗人曰。輕世。審己。悔罪。室中獲所外失。習處

出歸。視處如飴。非習出歸。視處如餲。奇哉嘿工。啓悟晰理。導涕浣靈穢。締主如友。人世愈遐。上主天神愈邇。避人修己。愈于行奇。稀遊厭人視己。修士令名也。友曷欲視。弗宜獲耶。曷欲獲攸。寧汝心。阻靈憑騰耶。世物皆馳。人好遊舒鬱。踰晷舒愈障心。若太空夕照晨晞。世樂始甘末苦。以致靈殞亦然。友出奚視。室處無見耶。居室視兩儀。視四行萬有。何攸因以出。設一望周覽萬有。夙願曷滿。汝望終虛。仰睇視主。俯睇視己。厥惟主釋非。俗人樂觀世物。厥樂可諒。汝慕見主。時體之。廼已職也。入室習靜。延主居心。友廼始寧。外游散靈。心平頓失。何怪之有。

祈主真悔二十一章

友欲覓德修。勿失聖畏。勿縱幻樂。宜節內外司。以求心悔。靈必獲靜。悔招德。縱失德。噫。人自視若囚。罹魔罟。曷敢覓世樂。嗟予心昏。思詵宜恫。廼固忘之。痴矣哉。懇主之善士。罔疚刺心。恒晏渡生。頻享正樂。世營礙德杜之祈悔。斯乃真福。友尙毅攻惡習哉。凡習善未幾。可勝惡習。汝忻遜人。人寡親汝。工乃毋阻。世務於已罔與。勿顧貴人之業。勿干。若理于汝。可以善責友可。但勿失序。責己先。責友次之。弗得人寵。勿憂。以弗滿己職。是憂。缺形樂。毋憂。鮮神樂真憂。問。何無神樂。曰。勤覓形樂。怠求真悔故也。可認罰應汝罪。弗應神樂也。友克慟夙

愆。世樂勿僅匪圖反厭之。善人或思已。或念人。恒可痛哭。已及人。無一得免世苦。愈思世態。苦已痛哭愈盛。詎得樂耶。噫。吾罪與怠。俾靈濤地。弗許上騰。悔不亦宜乎。恒憶死期。則必崱改。思或煉苦。或永苦。則甘承世苦。若不思。肆不專改甘承。故恒怠罔悔。內乏神力。身遇微苦。便如弗克勝。則宜祈賜真悔。偕達味聖王云。主錫恒泣罪。以涕爲昕夕飲食。

僑世多艱 二十二章

友不向主。往東徂西。世苦莫釋。曷訝多忤之值。疇恒順哉。非吾。非汝。非世人也。疇罔咈哉。非帝。非王。非世人也。爲主耐苦。苦雖重。必輕。智矣哉。涼德者慕世榮。歎云。某富貴美安。何幸

若茲。友毋惑茲。思以天榮。與世光互較。此若烟飛招患。彼則貼適致寧。世福非取盈溢。惟取足貲生。善士彌嗜德味。彌冀速逝。獲脫世苦。蓋居世一日。弗免營生貲。則皆增苦。減安已。達味聖王謂主云。祈主免僕多需。人弗覺世態。堪憫。戀世態。尤堪憫。可訝多人。或苦營工。或蕩索食。冀永弗逝。天國罔勝廼心。斯輩逝期啓曉。覺戀僉虛。聖則異茲。不圖現安。特圖後榮。吾友乘時。勿失修望。勿延善工。迅宜浣舊更新。蓋性苦時。功乃集。今雖難赴湯火。可。後則躋天國靖樂。不懋勝情。奚獲勝冕。靈居身內。若居泥室。詎免多苦。奈何。吾人旣沾原罪。而失寵。因失靈靜。以召疵。法。惟耐苦。望報迅致也。嗟予劣甚。恒

隳於下。茲痛而解。翌迷再犯。善志速起。踰晷忘志。可謙耶。可恃耶。慎勿怠荒。瞬息隕久功也。嗚呼。始咎旣多。終咎幾何。未豎寸功。自侈功物。惑哉。當卽興工。若工方始。克則望進。克補夙缺。斯善修良法也。

恒憶死期二十三章

死步促。臨擊扉。盍辦迓哉。今夕方誇壯。翌朝倏死亡。甫離人目。卽離人心。惜哉人迷。忘後戀前。吾友行工。當云。是吾工之終。必完訖。善士雖死。罔懼。吾宜懼死。尤宜懼罪。今不預辦。翌日恐勿迄。且未知。主允爾來期。在時不用集善。反用積愆。生久奚裨。若於眾日中。獲一運神工。誠爲厚幸。奈多矜己。久事

主。雖閱多年。善功無一可指。乃知宜懼死。更宜懼久生。時思死期。勿怠而迎之。真社人哉。友曾覩人死否。思彼前導。汝必踵後。晨覩日昇。慮或艱視厥沒。暮覩既沒。思或莫見厥昇。死期僉宜警備。不則忽死者眾。主警人曰。倘弗知。吾猷扉於何更。更更宜俟。生時有惰。死時極恫。往生。德士趨善輕世。舍己。從人。克邪耐苦。善死償厥善生。安康集功。覺易。既疾堅續難。膺疾。概望瘳改圖。既瘳。則膺前習。生時勿延善工。妄倚親朋。爾疾已忘。汝毋浪費。可集貲求生。死期既至。願主錫日改。安知主允與否。生時懼死。辦迓。至則忻迎。生時視汝若己死。死時則獲甫生。生釋物絆。死則輕勝。生攻邪惰。死承攻報。茲時

瞬晷靡定。望永年。欺矣痴矣。冀死勿臨。奈死迅臨。負冀。恒聞某受刺死。某忽溺死。某高隕死。某宴癯死。某睹奕顛倒死。眾終一死了局。眾生馳奔如影。今祈天聖爲朋。欽而法之。靈往時。渠啓閭闔導進。棄世若旅。涕望旋鄉。圖享天祉也。

時念判嚴罰永二十四章

吾友行工。恒憶已終。若在主前受判。厥案無枉。靡賄靡託。惜哉罪人。主旣明灼汝罪。判責之時。怖悖卷舌。無可對語。視人有愠汝者。汝則懼。主義怒盍悚。判期苦甚。無救汝者。且各艱救己。生時涕泣滌污。恫聲達吾主。以苦補之。靈光益也。奇矣耐士。受侮。不惟不復。反施憐。人害。不惟甘忍。且代祈加祐。或



悞近人。卽和之。以仁爲易。以忍爲難。寓世克己補煉。無俟來世。哲哉。何人之迷。愛軀忘靈。不思制抑厥心。盍念厥罪。皆永燄之薪。增罪猶增薪焉。獄苦每應人愆。炎錐刺怠胸。饑渴嚙饕腹。沸硫穢烟。燃奸淫肺腸。妬者厲吼。如狂癡不休。傲者見凌。恠者受窘。刑各罪符。異哉百年世苦。莫擬一晷獄苦。彼苦有息慰。此則皆無。今克悔痛。判臨不懼。且與諸聖偕樂。義人居世。惡侶藐之若狂。末日偕主審判。主揚厥往苦。斯日神貧心謙。苦己樂道。敝衣陋處。忍耐聽命。輕財簡嘿。諸種種德。僉膺斐樂巨報。惡輩不然。報每反是。承世暫苦。可免永苦。世苦輕且暫。汝猶不堪。後苦重以永。曷克堪之。今有樂。後必無之。

今後兩世之樂。靡有兼者。設享世樂百年。死至悉散。特留罪罰。世物僉幻。惟士愛主。審判冥獄。僉不懼也。愛主坦途罔阻。若人負罪。併懼判恐苦。曷足訝。雖無聖愛勵善。須有聖畏免愆。人無聖畏。夙善難存。魔誘難脫。

勤新更舊二十五章

醒矣事主。醒矣瞋瞋。問汝欲進修何。進時悉棄世何。必將應曰。欲專事主圖進。汝此意允嘉哉。然必勵進。苦暫報永。憂速止。樂靡已。若汝忠急事主。主則裕厚汝報也。攻情可望取勝。既勝勿云。情已足。免於攻。斯言致傲。招怠隳功。勿究來情。瞋下善機裨靈。速乘以從事。修乃疾至。昔有士心撼。跪主前歎。

曰。來行莫定。祈諭冥心。忽聞聲曰。知來奚益。善用現時足矣。時乃心。平圖進也。達味聖王云。望主聖祐。速卽興事。靈遂豐盛。噫。視想途迢崎多至。憚攻而駐足。盍思心彌勵。功彌隆歟。惟人情殊哉。一表多而難正。一僻少而易勝。然彼勤正。此惰勝。績則孔異。忤進要功有二。去阻一。行善一。汝友行可責。汝勿效之。有時悞效。則速改。惟法友善行。有朋勵汝進善。斯可愛者朋。否。則可厭朋。汝伺人之行。人亦伺汝。尙戒旃。惟對主苦像察己。瞻主苦。則赧。則懋。則圖新。奇矣。憶主行奇。詎俟蒐覽他奇。修士師主弗勞。超知倏至。勤惰兩士大殊。彼值患。忤迓。輕之若易。此無神樂。視易猶難。內苦外憂。莫獲平寧。遊外

覓解。愈結。哀哉。心不務制。隕必邇也。懋怠當法修士。孤居簡出。糲食穉衣。多行寡言。鮮寐勤誦。嘿禱。不忍刻擲。思彼。盍去己情。盍自策焉。吾生時得免度生多貲。詎非至嘏。奈今僅有奉身之具。猶罕嗜主樂。若厭世樂。主樂卽至。物不愾心。順逆惟洽聖意。宜思四終。時逝莫返。諸德勤成。眾善以怠敗。勤生安。怠招危。主寵勤士。因有主庇。視難如易。德苦如飴。身劬莫擬克己。輕詵不克。漸隕於重。晝時善功。夜則晏息。可懋責己。勿遺己責人。汝功惟由汝勤。

輕世金書 前卷一

輕世金書卷二凡十二章

極西陽瑪諾譯

甬上門人朱宗元訂

善士習翫締主一章

主曰。善靈吾天國也。善士遺世向主。輕外重內。天國迅屆。問。天國者何。曰。心坦神愉是。俗儔咸無。勸理靈宇。爲主潔宸。則主進偕處。互締同議。若朋斐暢。主又曰。愛予必遵予命。父子偕住厥心。善士可啓導進。闔禁物入。靈貯吾主。斯靈豐幸。主供貲不匱。詎索外貲。人情猶豫。屬劣屬隕。順不必忻。逆不必戚。茲順翌忽逆。今逆。翌或順。攸向颺風靡定。主愛終始定且

一。當以望。以愛。以驚。賑貲裨靈。雪汝僂。其務也。友徂此徂彼。視己若旅。世境非汝本鄉。視物急泔。勿戀免澁。天國乃汝永安道。惟愛望怙主。嘿道時。難徹奧旨。入主五傷。苦化爲甘。辱變爲榮。憶昔主寓世時。常窘受辱。宗徒懼咸遜。汝僉欲順意曷理。不耐窘辱。安冀福冕。詎主友哉。偕苦客侮。乃偕享天國。幸得進主燄心。獲沾厥愛之滴。則逢順匪忤。遭逆反喜。能愛主克己。靈必輜翻。透天奧情。士以準尋尺衡世。輕俗尋尺。主厥師也。斯士縱務治外。易謝入心。寄身于物。心弗許濇。物更而心靡遷。物隨重輕。務隨節也。心愈羈物。靈愈紛。心愈圖渙。物莫損淨。反益之。友罔禦僻情。曷訝叢邪。愾心哉。世物黏心。

甚。惟偏愛黏心尤甚。甫謝絕之。悟明神怡頓至。

以謙耐欺二章

友值譽勿喜。遭毀勿憂。勿慮羣議。特祈聖祐。行時正志。倘主汝祐。孰克汝妨。以耐承凌。不急白之。主俟便時代白。延待時宜。翕聖命可。汝仇詆汝。自責本說。以謙承之。仇心頓平。說易釋也。猗矣謙士。己卑而主尊之。自惡而主愛之。不圖世樂。主怡厥心。世遐而主邇。自抑而主揚。主訓誦之。受辱而忻。心乃安主。不濤世若羞謙。恥下伏于眾。厥德咸虛。

和己洽人三章

先和于己。則易和于人。洞理裨人。同協尤裨人。不抑邪正內。



見人善。反責之如惡。聽讒易孚難翕。夫不合己。奚克合人。善士治人恕眾。擬人以諒。勿擬以訕。有昆獲戾。云或不知。視惡猶善。減眾慝。增厥德。惡輩不偕于人。任口出語。觸叱人事。忘己惡德。善士殊是。首務善己。次務善世。惡侶行醜。乃多計以文。人訝。則多方以飾。意人不允。則責罔休。惑哉友寧責己恕人。汝恕。人亦汝恕。人已交恕。僉真愛之驗。否則攸云愛虛。締洽良朋。曷有奇。雖罪儔。僉能交予。否而恕數。內存愛。外全睦。德乃足稱。羣情不一。一和己和人。一己和求人。一咸無之。斯輩恒困人。實益恒困己。厥心罔寧。其故也。惟善士心坦。非由罔逆。由耐逆。耐愈浚。坦愈擴。茲士勝己。乃世之王。天主之

友。天國之賓。

行預定趣四章

欲離下騰上者。其須兩翼乎。樸翼一。純翼一。樸端志。純制情。樸圖覓主。純懷享主。人卸己私。惟愛主裨人。厥德咸純。外物罔震。內恒寧。友克若茲。世物巨細。悉乃鑑。乃書。囑知天主至善。純士之知。物莫礙。反益其知。猗兮士心。仰徹天樂。俯覲獄苦。憑上下罔阻也。善士之心。擬俗人之心。弗肖甚。彼享真忻。此當真苦。奚足喻哉。噫。鐵投入火。以除鎔。烈心趣主如炎。燼舊更新。冷心者。惟圖世樂。晤纖苦卻步。熏心撓患急逐。不嫌厥劇。

思本性劣 五章

主祐不恒。勿怙己力。吾靈輝耿耳。怠且耗光。行咎諒之。行醜文之。視人罪責之。曰。冀厥改正。實冀恣己恨也。譏人纖詆。宥己巨慝。恒云。難恕多數。盍思。更有多數可恕。苟詳審己。奚暇察人。毋敢輕宣人臯。研稽厥行。惟圖善己。人弗省己恕人。莫能精進潛德士。必務內外雙淨。物則靡搖。友靈游散。不居己內。曷往哉。觀物遺己。亦何裨哉。存心寧之上法。惟顧己。忘之。必輕世。重己必隕攸集德。物有導汝進者重之。餘寘輕之。異哉。巍巍罔匹惟主。無終始惟主。莫囿惟主。物萬有惟主。慰樂靈心惟主。

靈淨恒愉 六章

淨心善士真証也。心淨時樂。世忤勿減厥樂。惡人若沸海。詎  
獲嘗真樂。無罪刺心。夜息恒忻。友冀善樂。勿羨他樂。俗侶樂  
幻。猶昧曰心寧。罔物減之。友勿信旃。惟信主攸諭云。惡輩賡  
寧。義怒倏臨。攸謀皆烟飆。厥寧頓滅。愛主善士。則特殊此。忻  
荷聖架。樂承世患。厭圖世權。嗟。世樂悉謬。甫得遽失。貽苦茨  
罪人胸。善樂勿由眾譽。由衷恒安。由主真實。而厭世僞虛。俗  
乃重此輕彼。吁。士勿圖人譽。勿恤人毀。斯恒享靈平。人譽不  
增聖。人毀不減善。主知其實。曷恤之有。人視外行。主覲內蘊。  
善行毋誇。謙德之驗。不圖世覈。純心之証。不覓揚善。務內怙

主。精德之符。

愛主物上七章

專心愛主。輕己爲主。芟世毒莠。培愛主嘉木。純嘏人也。愛主宜純。無偏愛以雜之。噫人愛葦脆易移。依必偃。主愛凝定。怙恒堅。廣矣俗友。患觸卽逃。忠哉天主。苦勵彌遲。不忍棄攸愛人。人或生與死。未免失友。生死愛主。無虞失之。問。愛主善則何。曰。蕩心物愛。延主至靈。若帝御宸。主則臨而歡居。愛世輕主。愛虛謬哉。勿倚望人。人如朝榮夕萎花。倚望難矣。純愛主。益德。偏愛人損德。僻愛己敗德。私愛物。妨靈非淺。私愛身。害靈尤深。

締主如友 八章

主臨。難化爲易。主離。易變爲難。主嘿樂僞。主諭喜真。經記辣  
雜病殂。厥妹瑪利瘡楚。主臨慰之。乃姊瑪大諭曰。主來呼汝。  
渠卽揩淚忻迓。則知主臨時。苦卽轉爲樂也。靈無主則槁。不  
覓之則癡。喪萬有少損。亡主大失。勤物緩主。厥勤虛。人無主。  
若在苦獄。有主。若居天國。主臨祐庇。孰敢肆害。蓋主乃珍帑。  
得之則豐。失之則匱。藝學締主。踰世萬藝。知締主。越世萬知。  
友欲知獲主善計乎。曰。內謙外良。得主上則。愛覓世樂。失主  
徑路。噫。人子無朋。渡生難堪。不覓吾主爲善朋。覓世僞友。愚  
何甚。失萬物可。失一主叵。愛人爲主可。愛主爲主尤可。惟愛

主親人。乃著情允。勿覓汝偏愛人。勿圖人偏愛汝。爲主無耦。惟專愛之。靈有主祐。易荷眾艱。倘主乍逝。靈倦乏力。魔至投誘。若鞭。苦時勿棄己。望主臨慰。蓋寒往暑來。夜去晝至。雲徹天淨。

僑世苦樂遞遷九章

士有神樂。而輕形樂。曷足奇哉。并無神樂。謙順聖命。德之徵也。樂時行時。奚榮。蓋天主代荷其任。冀甘憚苦。恒情也。聖老楞佐愛神父甚篤。爲主姑離。愛主愛人居衷。彼勝此負。友宜法之。汝有愛友爲主互別。毋鬱。此別雖有遲速。終不克免。攻敵表情。工匪旦晚。愛身尋樂等情。豈易竟卸。惟真德愛主。覓

世苦。主則臨慰。慰時以感承之。知由主恩。非由汝績。毋傲且警。蓋慰甫去。誘卽至。敵勝之。慰倍也。善士生世。苦樂遞更。主恒苦之不忍。恒樂之不許。達味聖王云。予樂已定。永不克更。旋苦迄樂逝。歎謂主曰。迅兮予樂。主離。靈憂不堪。祈主懇盼。主卽允之。乃感曰。謝主鴻恩。僕後愉矣。主拭僕涕。賜卸凶服。更吉衣焉。噫。古大聖且然。吾何不然。惟望祐遵旨。神樂去來。難強也。若伯古聖謂主云。主听慰人。夕探以苦。宜怙主乎。宜恃人乎。主離。憐哉吾靈。蓋雖締良朋。讀聖冊。聆善詠。咸罔味。惟克耐體主。上則哉。世苦善士僉試。卽大聖先後罔苦。純備神樂者無之。蓋後樂先苦之徵也。經內主云。毅士耐苦。吾卽



賚天甘實。人先膺樂。爲承來苦。後當苦茹。爲其心謙。主旨奇矣。嗚呼。魔不寐。衰未抑。左右夾攻。友宜勇敢獲勝。

感主諸恩十章

友生以勞。胡必謀安。備耐來患。勿羨世樂。善備哉。奇異神樂。設其來由我。誰不迓承。擬世身樂懸隔。世怡膺哉。身樂穢哉。神樂真潔。物善靈也。柰魔誘靡息。故神樂暫。覓世僞樂。妄恃本力。神樂之盜。主錫神樂。意美。人承忘感。意醜。主者樂源。受而忘之。并窒厥流。曷訝樂恩咸鮮耶。前澤汝感。後惠罔竭。以謙承。謝之。恩彌增。以傲承。忽之。恩彌減。善士宜審樂機。引忘洞正邪。罔怡主心。弗許急棄。蓋多高。而未必聖。多飴。而未必

善。多欲而未必純。多吾重。而主必輕。則宜先稽物執。勿遽信心焉。樂引致謙。驚主舍己夷世。樂乃真也。人先嗜主神樂。後當其去。識己若寔。傲心減己。恩出主。歸主且謝。舉出己。歸己且悔。主罰耐受。認罰特應。汝說也。異乎。謙士自下。主上之。可法天聖。位彌峻。謙彌冲。主慝乃心。真光照悟。胡羨世光。純禧物靈。傲情奚有。厥祉歸主。揚主抑己。是渠願也。友承聖愛。一星。詎輕纖恩忘感。宜受以謝。恩主尊巍。無論小大。恩咸浩矣。授樂謝可。授苦謝可。彼此攸授。圖吾裨也。欲識保恩良法。曰。感其來。忍其去。禱以復來。謙以存之。無他法也。

忻荷聖架者稀十一章

嗟。人慕真社。眾矣。慕荷聖架者。稀。覬樂。眾矣。覩苦者。稀。嗜天  
晏者。眾矣。好茹澹者。稀。冀偕主甘食。眾矣。偕飲苦卮者。稀。讚  
主耀蹟。眾矣。荷主辱架者。稀。順境依規。眾矣。逆時忻進者。稀。  
人毋卹己。愛主爲主。順拂揚主。謝聲弗輟。此士之愛。無有私  
愛之滓也。事主圖樂。匪爲愛主。乃爲愛己。此傭人也。不圖私  
樂。樂乏事主。異哉。是士。厥價逾寶。胡獲得之。卽竭貲市。亦鮮  
價。卽昕夕勞甚。亦靡逮。卽通眾學。亦懸隔。卽精嘿進透奧旨。  
亦少得之。急要神工何。曰。克欲輕世。是士詳斯工。宜警毋詡。  
自視若棄僕可。主昔謂徒曰。旣竟心力。充汝職業。尙自遜言。  
吾乃慵廝。僅滿責任。斯人幸歟。外雖窮陋。而偕達味聖王云。

吾甚窘乏哉。但因輕世伏情。內富豐也。

聖架躋天孔道 十二章

吾主規衆曰。荷汝十字架。克己從予。

茲主親諭。人聞歎曰。聞之難。行之詎易。余曰。予謂今聞此難。盍思。判期主謂辜侶曰。過予。須投永燭。聞不尤難耶。人在世。忻聆主諭。甘荷己十字架。末日可以無懼。是日。聖架豎空。忻荷之善人。俱趨主側。方冀酬而又奚懼。聖架躋天正途。魔計之阻。純嘏之錫。衆德之成。靈弱之強。真寧之致。百行之遂。僉其奇也。人敦憚荷。則失望獲陟。克荷踐主。始望獲陞也。主預爲汝荷殞。欲汝依跡。享厥常生。友欲安度生。而覓正途。余曰。

聖架之路。其高極尊。其根極安。何他途見覓。友任意營業。十字架難免。或內外瘡楚。或主離心。或人妨意。或自厭己。問主苦人何。曰。冀謙伏傲認劣。人苦與主偕。彌知主苦。彌感主恩。十字架時處俟汝。胡克脫旃。耐荷則靈靖。而獲榮冕。強荷則患劇。勞而罔勳。倘敦茲輕。詎知翌遇彌重也。獨汝克免。諸聖弗克耶。孰聖釋茲。卽主僑世。恒苦無聊。謂厥徒曰。予先宜苦。後宜陟天。汝僑苦谷。欲覓他途登天。謬矣。猗歟先聖。入道愈密。揆患愈酷。視己若囚旅焉。冀釋旋閭。偕主樂也。善士生世亦樂。蓋忍。則以患爲樂。圖報亦樂。軀彌苦。德彌瑩而樂。緣他途罔覓。師主乃厥務也。斯奇匪由己。由上祐。俾厥性攸忌。且

忻逐焉。人荷聖架。克私遜譽。忍辱輕己。避順趨逆。受侮而忻。善者否者。僉忌。惟主祐幸至。神仇咸伏也。再叮友曰。欲爲主忠。廝備受來患。荷已十字架。乃得天主上國。噫。倘莫克脫。預出逐之。大智歟。勿覓世愉。宜若聖命。承厥來。忍厥去。世患擬天償。覺罔患也。友視茹荼若薺。純禧友哉。蓋居地而天國人也。非是。苦莫減且增。不幸人哉。保祿宗徒神瞻天廷。受恩殊矣。畢生尙苦勩無已。汝憚世苦。欲稱愛主忠役。理乎。爲主忻苦。乃汝純祉。乃忻主心。乃爲眾表。惜夫揚耐忍多。克耐忍鮮。爲世甘繁苦多。爲主甘纖苦鮮。惑人也乎。自視如殂。遺世僞樂。靈性始生。設甘苦值前。任汝擇一。卻甘取苦。則肖主範。乃

履聖域。盍思主德匪屬神業。在忍形苦。假天路屬樂。主盍躬踐。盍勗吾哉。聖架厥路。吾甘荷之。主勤訓也。友旣聆訓。宜佩余囑言曰。人覓陞天捷路承苦其正途矣。

輕世金書卷三 凡六十四章

極西陽瑪諾譯

甬上門人朱宗元較

靜聆聖訓一章

士謂主曰。僕靈已備。將聆主命。噫靈嘿納主飴訓。靈真社耳。謝外囂。聳聽聖諭。耳真社。目厭世紛。內視德美。目真社。人特務已修日新。人真社。辭壻冗而端神業。主近誨之。頻聶云。汝寧真生。隆福獨予也。密締予。則享真靖。輕迅世。重永域。蓋世悉幻。予罔汝床。孰汝庇哉。士曰。余靈畢生恃主。事主盡忠。必承醕忠永社。



主密撕善靈二章

士祈主曰。請主啓諭。僕心備承。猗歟主言。若甘露澤靈。古教眾謂梅瑟曰。請師代主宣諭。吾皆靜聆。躬聆主言。恐死。僕祈則否。甯法撒模同云。祈主允錫隻語。予耳忻聆。予胸樂納。主若吝牖。梅瑟暨前知諸聖。厥論照悟振力皆艱。振照惟主。渠論雖精。靡克熏心。熏之惟主。能具嘉文。達意惟主。能傳聖命。祐遵惟主。能導正途。鼓行惟主。能培德樹苞實惟主。特聆主可。胡俟他聆。望主恤劣。俾聞遵行。若聞弗行。承弗遵。知弗愛。僕靈匪益。且籲罰也。再祈主示慰靈。更愆固志。以揚主榮可哉。

以謙承主聖言三章

主曰。子宜側耳聆予。予言皆飴。悉超博洽士之高論。致聖神祐。靈性永生。勿以臆測。勿圖悅聽。須以靜受。以謙存。答曰。人承主訓。懋怠勝患。必乃吉人。主曰。予昔廸前知聖人。今猶示眾。柰人心錮耳聾目瞶。樂聞世論。敦聆吾訓。順軀惡情。逆主聖命。世報纖暫。僉喜從吾。酌永巨。聽者鮮。人盍赧哉。孰圖從予。若務從世。惑矣。爲獲微貲。不憚煩。爲圖純嘏。孰進步。爲營刀錐。夜繼日。爲貿永靖。孰無倦。惜哉赧哉。彼勵以隳。永死。汝怠以享恒生。彼愛厥虛。汝昧厥實。彼望恒負。予言悉真。聞者始終信從。罔辜攸望。吾攸許必與。攸約必踐。惟欲苦汝。試德

真贗。子鏗吾訓。患臨憶之。重乃轉輕。有時心蒙。勿明吾語。予來啓悟。賜明。吾試善士。有兩法。苦一樂一。若良師廸徒。昕夕用二條以示。懲厥惡。勸厥善。則是。人聆予言而輕。審判末日。吾言証訟之。

祈賜健志奉主四章

士謂主曰。主乃萬善湧泉。卑役纖績。曷敢啓口邇主。僕乃極乏若微蟲焉。祈主卹乏。扶纖。主善。義至盡。聖能極甚。彌漫善靈。特留敗靈竅匱。望主悲劣。錫寵物靈。僕罔寵祐。詎忍蹈世險途耶。祈主。面毋反。步無卻。慰僕毋吝。否則靈枯若稿壤也。祈主如師廸徒。示以謙事。主知無終始。吾生以前。無世。炳然

知吾也。

事主惟真惟謙 五章

主曰。子以真謙邇予。予恒至真。人真事予。吾真護之。罔許魔  
蠱乃心。有人污厥名。吾代彼滌。吾真護子。必輕讒夫浮言也。  
答曰。主言真實。求示良法。護得翦過事主。主曰。汝行時。特務  
極樂吾心。責悔本咎。則是。世物可驚者眾。惟汝罪可尤驚。又  
善。行毋傲。識己極弱。仆易昏易散易。甚矣汝卑。恒緊本無。物  
得致汝傲。鮮。得致汝謙。眾。輕世攸重。厭世攸忻。重忻惟主真  
社。陞予物上。降己物下。斯訓銘心。勤業力行。噫迷人。多忘己  
忽靈。瞽墮魔塹。傲叩予蘊。予恒厭之。敗乃謙焉。子毋彼蹈。驚

主奧旨。懼主聖怒。審己罪怠。勿究予意。事主人殊。有以誦聖書爲美。有以欽聖像爲美。有以拜稽爲美。有讚予以口。離予以心。空虛美哉。善士則否。貲僅毓身。務悟清愛炎。恒佩予訓。予乃頻勸之曰。吾子樂天遺世。競後畧今。

愛德奇妙 六章

上對聖父曰。天國聖主。拯世吾主之聖父也。僕宜茹苦。主反慰樂。貲助靈乏。彌感浩恩。稱揚聖三以示。慈主欲入僕靈。心忻無任。僕榮悅樂。悉託吾主也。望卹寡德。矜墮滌穢。怡靈錫耐患。愛主。旣興且繼。全德工焉。猗歟愛德。視苦若甘。重若輕。險若夷。恒提善靈。俾之易行。弗憚程艱。愛德恒升。罔降。易斷。

世縛。順毋戀。拂無阻。甘、勇、寬、高、充、美。上下無匹。皆愛妙也。至矣哉。愛出於主。至主乃息。靈有。棄物向主猶飛躍然。主統萬善。愛主詎需物耶。異兮純愛。善士愛主。錫時弗安主恩。特安恩主。幸有愛德。則忘己劣。重者弗重。艱者匪艱。怙祐。靡患不勝。勇哉。愛缺。撓患弗進。愛德常寤。工無晝。程無倦。如火恒炎。騰上。無物阻途。謂主曰。僕愛惟主。望主愛僕。祈寬僕心。獲嗜愛味。幸哉愛士。念主忘己。恒咏愛歌云。吾靈上達。懷抱主兮。殫力愛主。逾愛己兮。自愛爲彼。愛主亦爲彼兮。爲彼愛眾。願眾愛彼兮。友欲知愛奇。約云。勤於善。誠於意。和於眾。信於友。忍乃苦。衷乃言。耐乃艱。寬乃望。敬事上。愛平等。憫在下。置己

聽長。懼咈。遵旨恒謝。世變厭愛罔移。否則匪愛。滅愛妙也。

迓苦徵愛七章

主謂士曰。子愛薄哉。答曰。請主示故。主曰。值纖苦卽喪往志。忻覓世樂。故人篤愛子。必迓苦。輕魔。順逆靡變其愛。智者承澤。卽愛主恩。尤愛恩主。愛子亦然。匪安予恩。惟安於吾。有時汝苦。勿思汝棄。勿疑吾聖。勿云。主已忘我。盍知。善人不宜恒樂。有時汝樂。宜感承之。茲樂若滄溟一滴。去來匪定。不可全恃。克己。熄衰。輕誘。皆德勳真徵。堅持汝志。行符聖命。魔誘雖劇。弗慮其害。有時靈爽颺上。潛契道妙。旋覺誘紛強壓。勿厭叱己曰。吾德咸敗。灼知。皆魔醜工。靡爲汝行。惟子敦敵。魔欲

緊續。反增汝績。子知魔計乎。妬汝計阻。欲弗欽吾。勿憶吾苦。勿悔夙罪。勿制僻情。勿遂初志。擲汝以濺。灰爾心。截默道。釋聖書。羞告罪。遲領聖體。咸厥計也。子輕之勿允。渠誘還彼。且忽且叱之曰。過兮狡魔。穢念歸汝。汝誑明悉。伏主奚懼。寧承現來萬殃。罔汝順也。狡魔過兮。時緘毋聒。子可法銳卒。敵寇偶負。固志增力。吾子望底。幸勝歸吾。毋妄伐己。人惟昧而夸己忘主。頻隳沉痼。子勿蹈之。可免厥罰。

謙易受恩八章

主曰。子承予恩。毋露以于譽。宜謙且驚。若匪汝績。毋視若莫能再失。去來由吾。弗係汝力。時有神樂。毋夸靈富。思己原窶。



蓋功由苦。非由樂也。患臨宜勵。毋棄善功。世有兩癡者。一、遭  
拂氣餒。失忍。停工。失志。弗思。恩錫在吾。有、無、多、寡、早、遲。詎在  
人乎。一、樂時肆志。恃力任重。中道疲仆。神樂熄。夙德墜。始識  
己劣。兩者。吾曷享厥志。欲知己弱。伏吾覆下。若鳥覆雛。弗欲  
鼓翼雄飛。斯輩不詢諳士。難免頻墜矣。嗟人怙本慧。難堪從  
人舍己。寧謏陋而謙。毋聰辨而傲。迷人樂時逸安。若己獲勝。  
苦至必負。譬之惰卒。宿無備。迄戰。曳兵而走。士謙忘己績。度  
力固志。靈乃無昏。予恒聶諭曰。子有樂時。宜思。苦必速至。可  
歛汝志昏時。宜思。光必速邇。可懋汝劣。吾每試人以苦。不試  
以樂。蓋功匪係神樂。與洞主蘊。與徹經微。惟係遜心愛主。圖

洽聖命。愛人猶己。乃堪陟聖峻位。

認己本卑九章

士謂主曰。僕如微塵死灰。猶敢瀆主。不認原卑。主則責之。僕罪訐僕。詎能道哉。飾本罪哉。匿原卑哉。始出於無。時還于無。祈主悲照。錫滅傲情。俾知何來何適。現若無物。倚無勿。力本劣。倚力勿。惟主憐盼。力始還。樂復物靈。僕本恒墜。主恒提扶。愛善行。獲免眾艱。感洪恩也。爲愛己。失己失主。爲愛主。獲主得己。斯恩屬主聖愛。匪屬微績。俯謝無已。主善。若滄溟之無際。祈澤我枯靈。俾恒向主。恒謙認主。是乃真祉。主固吾怯之勇。吾德之泉。

有善歸主十章

主曰。子善行。圖天實報。歸善。愛子。若物最終向。汝意乃正。行  
覓形樂。或圖人譽。靈則空瘠如稿壤。汝形神諸善。咸屬吾恩。  
宜歸吾也。吾乃弗竭源。貴、卑、富、貧、攸承。咸吾弘量湧出。有誠  
事吾者。流繼無息。厥靈恒潤。若圖世樂。自窒神樂。枯可知也。  
厥心恒緣罔優。子或有善。勿夸而歸己。覩人有善。勿揚其人。  
若屬彼人力。彼此諸善。咸吾善。吾與欲還。行善逃譽。神耀、聖  
寵乃進。俾廓厥量。偏情迅出。猗歟愛德。丕哉厥力。萬艱屬彼。  
靡一弗克。子惟圖吾樂。惟冀吾祐。信實哲哉。吾乃至善。讚吾  
必可。

事主輕世致樂十一章

士謂主曰。主乃天地統帝。僕敢瀆聰曰。人驚畏主。恒享孔幸。孔忻。矧愛主。其樂唇難言。胸難度。厥思難罄。僕始全無。主錫伸踴。俾享世光生來。離主若殣失牧。主覓令返。俾知愛主。主恒憶我。我忘曷理。主恩大逾僕望。曷克酬謝。萬物事主。吾務偕事。詎甚務耶。僕事纖微。主恩弘巨。又殫勤以事。咸主上恩。可歸可謝無已。噫主事子彌急。命天地覆載。晝夜更迭。天神護守。萬物受命罔越。斯恩雖巨。惟擬主降救贖。許已爲報。則他恩咸微。思主浩恩。宜卒世事之。奈僕事猶靡逮一日也。茲冀讚颺主聖。昕夕罔間。祈錫神力。獲遂攸願。奇哉事主之貴。

靈滿聖寵。神怡心曠。主愛之。神護之。魔懼之。世欽之。膺天純嘏。斯僉厥報。

行先審意 十二章

主曰。子欲事予。須預知未知眾理。荅曰。請示。主曰。行毋徇私。徇吾聖意。時營某務。宜研審機。思圖吾榮。抑圖己利。圖此。事拂心亂。圖彼。順逆恒平。行先不究吾旨。惟執汝意。解紛艱哉。茲將示子善則。俾左之。右之恒利。右啓善念。不遽信從。左值拂情。不遽棄絕。右善念宜禁踰節。勿定固從。以致人訝謀禁。子心乃亂。左遇拂理邪情。宜勇克私。俾恒循理遵命。詎非智哉。

忍欺克己十三章

士謂主曰。嗟予恒遭拂意。時宜忍之。僕求心平。反遇心愾。主曰。異乎。子求莫逆之順。吾夙靡歡。子撓逆甘忍。大順之徵。汝值劇苦。勿失忍云。我奚堪哉。子今微患莫忍。後煉奚當。人囿二苦。任攸擇。取輕棄重。哲人也。欲釋後患。可任今艱。噫。人孰無苦。富貴順渡。克免。百一無之。勿云。富饒榮貴。苦際間樂。遂忘苦。惜哉其樂。若烟迅飛。永不復來。斯人惜哉。有樂則是。有苦則非。蓋甘倏化爲辛。靈靡有寧。曷純也哉。聖矣主義。索樂踰理。主以樂爲刑役。命撻厥靈。使以苦以羞爲樂。厥樂穢兮。瞬兮。膺兮。嗟彼喪靈。若酣矇焉。罔知節情。若無靈焉。爲污暫

樂。籲求永刑。子勿依厥迷。勝袞克私。樂乃物靈。祈乃主許。蓋損穢樂。獲淨之徑也。心彌空世。清樂彌滿。但必先敵三仇。惡習一。善習。戰之也。表情二。苦難。降之戈也。魔誘三。祈禱。勝之鎗也。更欲毋隳。以善務闔心。魔進罔隙。曷克蕩心哉。

師主謙順十四章

主曰。人非謙順。靈失聖寵。身悍觸靈。冀抑惡情。宜仗於主。內仇卽降。外敵自屈。靈仇者眾。惟身靈靡洽第一。人偏愛己。詎肯順上。猗吾至巍。爲萬有源。爲全能主。爲汝降屈。汝猶爲吾。憚伏於人耶。吾遺謙範。盍瞻依之。汝奚物哉。塵灰而已。宜屈眾下。望騰人上。迷傲甚哉。遇迂罔訝。遭辱叵雪。思汝罪應譴。

冥獄。吾重且盼汝靈。宜感恩謝愛。謙抑耐侮可。

懼主淵旨抑傲十五章

士謂主曰。聆主淵旨。聲震若雷。心神戰競。僕思層天雖清。擬主咸濁。始主稽神純駁。依駁彰刑。厥若星隕。僕乃微塵。敢怙善耶。恒覩多人。其德似盛。幾與神侔。厥味神滋。未幾志餒。行穢若穢。始知主不扶劣。德仆不開蒙。智昏不錫勇。力衰不制誘。貞失不護靈。勤虛恃勤卽驟。仗主起之。吾志易移。俾定惟主。吾心易清。俾熏惟主。幸有微善。伏悟懼主。認本無僉可。謙士以依主爲基。抑己恃祐。卽萬喙揚之。厥心安下。蓋知揚之之人言若烟散。特主言實。永不能移。



勿輕信欲宜依主命十六章

主曰。子將興事。可預向吾云。斯務主攸允。庇獲遂。得致聖榮。祐成獲資靈益。錫福終始。若否。勿敢允祈。惜僕心迷。欲罔節。似善藏毒。僕悅之。主愠之。詳審靈情。艱哉。視若屬主。實則由魔。祇覺其謬。悔何及矣。意萌。宜謙宜驚。順余命而云。請主決疑。可。賜行。否。賜止。祈賚恩時。遲速眾寡。主惟顧本耀。勿徇僕祈。蓋主欲吾欲。囿主掌握。軫轉惟意。事主合意。茲今以永淨僕欲。

祈洽聖意十七章

士謂主曰。祈拯世慈主。錫僕聖庇。獲興且繼。且訖。諸務。賜心

愛主罔貳。賜視世若亡。爲主承審。恒洽聖意。僕乃心平。眞平惟主。餘悉愼心。

眞樂由主十八章

士謂己靈曰。世無眞樂。求真於世。則覓謬。天國者。眞樂界。縱世爲純樂。獲嘗厥味。詎克久哉。士居神貧。有心謙。主乃樂之。吾靈暫俟。天樂卽至。充滿汝心。覓僞暫樂。失永眞樂。現來兩世態殊。用彼慕此。正途也。彼莫飫心。可節用之。此克物靈。可愛慕之。憶主造汝。爲承永禧。匪享暫愉。嗟俗人戀世。念彼忘此。善士則否。特冀實樂。忻嗜厥滋。世樂由人虛暫。厥贖灼。天樂由主實永。厥眞罔。善士思主常樂。時向主云。爲主遺世。祈

主。時時處處邇僕。欲試以苦。惟命。蓋知主無窮慈。弗忍永棄卑役。

靈資仗主 十九章

主曰。予知。子需當否。宜順命倚予。汝欲頻私。難免頻謬。答曰。誠哉主言。僕知。主勤逾吾欲。資匪託主。朝更夕改靡定。僕意洽主則寧。主若恒謀吾益。欲冥吾靈。謝之。欲耀。謝之。欲苦。謝之。欲樂亦謝之。主曰。子心若斯。忻慰予心之良法。豐約憂樂雖更。汝心勿貳。答曰。僕心定矣。主錫美醜甘辛。爲主罔別緣。樂心感受。惟祈於常生天冊。毋遺僕名。獲祈聖祐。俾免方命。乃不驚死候。不懼世艱。不嘗地獄劇苦。

主耐苦真範二十章

主曰。予爲子降世受難。匪因人強。惟因愛子。苦臨。子幾失耐。視吾宜做。異予之苦勸。從始逮終。無時無間。以苦嗣苦。畢世惟一。貴生恒匱。仇詈恒聆。辱言恒恕。施恩眾負。行奇歸魔。訓正受叱。答曰。聖父愛人。命主飲苦罔息。罪役爲主順命。爲靈承苦。曷甚事哉。噫德途澁滯。主祐釋滯潤澁。可依主轍。今古教殊。古教時天衢幾塞。天閭穩局。信從者寡。雖聖咸俟主降。聖架啓局。方克陟進。旣降躬游天路。主踪乃吾捷徑。耐苦鼓行。毋虞迷途。主倘匪預指行。以言啓悟。善行者有幾。主旣印踪。信從猶稀。靡降照世。憐哉世態。

訾詈試忍二十一章

主曰。子偶遭辱。出傷語何。至今未見育血平流。以堪仇侮。思吾及吾諸聖。劇苦罔休。則子苦較予及聖。覺無苦。子自歎云。吾苦重兮。予曰。重匪由苦。由子劣德。惟或輕或重。忍之。重乃變輕。智哉勳哉。勿云。某恒窘我。毀名詆行。他人侮予。可恕。某辱奚堪。子言惑甚。惟衡辱情人勢。弗思忍醜。何云忍耶。或上中下辱。子一心承。可是謂忍。予竟有宏報。冀獲勝冕。預宜善攻。先宜當勞。後享安平。否奚望冕安耶。答曰。祈主扶劣以承。不則偶值纖迕卽落。爲主耐拂。丕益吾靈。

認性劣世醜二十二章

士謂主曰。僕今對主。將陳靈疚醜行曰。惟誘攻心。軀勝靈負。致憂失寧。有時毅心以敵。心乃始安。踰時志餒幾蹶。祈懇扶植。勿允頻隕。敵攻怙已。仆易立難。胡顏向主。穢像易印難刷。昕夕荷戟不堪。時敵衰情。詎不難哉。主恒護善靈。時圖厥益。祈監僕患。祐行導程。懋劣。噫。衰情夾攻。呼吸罔息。毋允騰靈。祈錫制身。惜夫世患。時迭魔網者多。初誘僅退。次引卽進。或左右前後。併時環攻。曷克靖哉。生態如是。有人貪生何耶。恫兮吾靈。愛惡互競。傲情世光可娛。俾人愛世。衰樂之刑。俾人惡世。奈。愛世者繁。惡世者稀也。惜乎迷人。情緣流汙。以苦爲樂。以辛爲甘。以茨爲華。慕世俗樂。弗慕神樂也。善士慕此敦

彼。又憫世迷。

安於恩主主恩之上二十三章

士謂本靈曰。勿覓世靜。惟汝主并諸聖人永安也。可俯祈曰。至甘拯世真主。賚僕靜安於主。萬豐華、萬禧樂、萬勳蹟、萬神聖、本超二性、萬恩之上。蓋萬有眾奇。不逮兆一。主勇、富、甘、美、貴、福、悉至於無終始。咸居於主。僕靡見靡享。他恩未饜吾靈。噫。極愛拯世者主。僕興懷之冀插翼上飛。忘己抱主。不幸寓茲苦世。頻撓多患。厭生重任。悟昏欲恩。靈繫弗獲。颺上享主。若神聖享純嘏。祈主。憫盼僕苦。噫。救世上主。天國之光。羈旅之慰。僕口雖嘿。靈每宣洪音云。徐兮主武。盍趨監慰。引臂力。

扶。錫脫苦谷之漚。來兮來兮。否則靈曷晷歡耶。使靈設筵。珍  
味悉辦。主不赴宴。筵歟味餲。僕靈若囚繫。望主賜釋。世慕世  
物。予慕真主。靈恒歎嘖。祈主臨監。嘿慰僕曰。來矣抵矣。汝謙  
望。悔。苦。涕。湧。吾降臨。慰拭汝涕。而允汝禱。答曰。僕籲覓主。爲  
主戮世。主預提覓。俯感浩恩。主前罔敢置喙。惟謙抑己。主奇  
邁萬有。善極。旨淵。乃聖父全知。油然御世。萬有恒颺主奇罔  
休。斯乃僕願。

思戴主恩二十四章

士謂主曰。祈主啓明。錫從聖命。憶攸承主公私諸恩。時刻鳴  
謝。噫。僕於纖恩。莫能竟謝。矧巨恩。僕卑罔極。主恩無涯。念之。



心訝力匱。形神表裡本超二性。攸承諸恩。咸屬於主。亟宜揚之。設主內壅。湧流大小。奚有外溢。受大者。勿傲勿伐。承小者。勿愴勿愠。蓋彌遜彌謝。彌備承他隆恩也。受約。勿嫉承奢者。思主無私。時澤億兆。罔別彼此。蓋恩咸出主。受者勿忘。主知授時。所宜所否。受多受寡。宜承以謝。勿測主意。僕旣受寡。遠世光鑪譽。詎非大恩。人勢愈卑。愈宜忻謝。主遴聖徒僉樸。爲世所輕。主故重之。豎於世爵高位。厥謙深。罔僞影。喜俗攸厭。爲主承侮而忻。善士愛主。必愛聖意。主欲爲大。則安。欲爲小亦安。欲陟峻位安。欲攝卑職亦安。蓋安以洽聖命。恒置主意。主榮於主萬恩之上。

心坦由四二十五章

主曰。今將諭子坦心捷徑。答曰。僕請備示。主曰。心坦由四寘已順人一。厲求字生二。安下從眾三。克私偕吾四。知四懋行。始入坦衢。答曰。主諭約矣廣矣。奇兮四德。懷諸神功。迷僕頻覺心紛。莫知其故。茲將心紛由犯斯箴也。主能全。恒圖益靈。祈增僕力。獲踐主訓。以享真祉。

祈熄惡念二十六章

士謂主曰。主乃真主。眷僕勵劣。妄想迫靈幾傷。靡謀克釋。主慰之曰。吾預導途。伏仇。啟明嘿示。答曰。請主踐詞。祈遏仇誘。速卸穢念。僕樂倚望。僉託吾主。耐俟再來慰僕。

祈賚真光二十七章

士謂主曰。主光莫掩。祈燭靈闇。俾魔遠遁。賜靈獲靜。代僕敵仇取勝。命颺息海晏。心乃泰寧。讚主。僕靈若燒壤。祈主播輝錫泊。以澤眾德。得萌苞實。輕愆任重。獲享主。茲。數俗謁也。世慰虛幻。靈承空澹。祈賜靈結主。蓋飫僕惟主。世物咸莫味。

毋察人務二十八章

主曰。子勿究閒務。致散浪心。事不汝與。究之奚裨。從吾。汝急務也。憑人言行。吾子罔究。惟審己可。末日罔責於汝人情。特責汝行。吾灼億兆。觀行察意。黜陟惟吾。勿因人失諧。判期定至。德慝。每受準醕。能塞吾聰。能掩吾明乎。勿希世耀。勿忻應。

酌。勿喜衆愛。心靈溷亂。恒必由之。子勤行善勿寐。備靈啓心。  
俟吾來示奧理。宜謙寬望吾也。

平心進德之由二十九章

主曰。予昔謂徒云。予平安居。與爾偕焉。予平世平懸絕。噫。僉慕心平。孰遵平軌。良善謙忍。平心坦途也。子聞斯訓。勤行之。靈平丕暢。答曰。聖意請釋。主曰。稽汝言行。務洽吾旨。勿求他意。人言行毋輕擬。匪切務勿顧。乃免淆心。或致淆必稀必輕。勿訝吾言稀輕。蓋完寧純平。惟天域也。有時世務暫順。子勿夸云。心已寧矣。無逆吾者矣。內外樂矣。皆平徵哉。吾子差甚。斯皆寡德驗也。倘問何修。致享心平。獲諸德精。曰。身靈獻吾。

事無拘纖巨。久暫。一心受之。卸私符吾。又現苦旣承。辨迓來患。冲心毋伐。吾必汝慰。心曠神怡。

祈主啓悟節用三十章

士謂主曰。靈恒湧。默想不輟。盛德之驗。寓世忘世。善士之徵。惟其忘。匪由寐。由主提醒。錫心遠俗。脫繫。祈至慈主憫盼僕苦。賜免煩務。增力以勝。祈解身繫。釋靈之多阻。僕雖已數。俗人攸冀。奈。猶多情束靈。弗許憑昇。噫。至甘上主。賚視世樂若苦。勿許。軀勝靈。幻耀昏心。狡魔遂計。錫勇以抵。耐以承。恒以成工。慰以謝世。愛主。噫。衣食諸貲。善士之重荷也。祈賜。用弗踰節。身貲難捐。豐字之。主禁。以免肉身抗靈。過猶不及。祈主

示中。

私愛大礙聖寵三十一章

主曰。子置萬有之微。乃獲萬有之主。思靈仇雖眾。偏愛爲甚。依偏愛。物或輕與重。繫心皆然。愛有純樸。有次序。物乃罔繫。物不可有。勿慕之。物奪心平。勿有之。異乎汝惑事。旣託吾。胡又愁心焦思。慕愜吾旨。物無不利。慕獲某物。冀處某所。爲致心寧。法醜哉。彼此恒遇拂物也。刮物於心。真平實則。問必刮何。曰。愛財。貪榮。獵譽。斯咸同世。迅翻罔息。又勿倚處幽。覓寧。幽處靜外。寧覓內平。處更。心仍愜。真平遐。遇迕心平頓失。

祈主耀靈三十二章

士謂主曰。祈主錫僕聖寵。聖神懋靈。俾敦散心。俗務巨細勿眩。觀世若沿。自觀若將同湔。人諳世狀如是。哲人哉。祈錫。實知懷主。勿敢拂命。以智遜譽。以忍當患。順逆雖移。僕心恒一。渡世坦道也。

以耐承誹三十三章

主曰。子偶罹讒。傷心厭聞。以耐承之。思。謗較己罪。懸隔。思。夫德雖弱。汝德更劣。子聆吾訓。鏤心。必忽漂言。人聞刺語。嘿不置辨。惟亟反己。大智人也。子之平。匪關眾口。或毀。或譽。罔改汝實。汝平。汝華。汝耀。惟予。不冀人譽。不懼人凌。斯允平則。偏愛己。虛驚逆。斯允亂心階。

苦時宜體聖命三十四章

士苦謂主曰。主錫斯苦。今謝以承。左右苦繞罔釋。祈祐勝之。俾益靈也。茲對聖父。罔敢置喙。劇苦伐性。深讚聖意。昔主頻賜耐德。今祈武印。昔僕罪多矣。知苦應愆。忍承之。不幸。今靈昏甚。望主撥霧敷光。伸手扶之。重苦乃輕。若否。吾卽懋。輕亦重矣。

慰患惟主三十五章

主曰。吾子苦時思。惟予克免汝苦。可來速祈。吾不早慰。咎歸於子。先縱覓世樂。然後求吾。甚哉汝迷。旣縱覓樂。心安何有。惟吾真樂。自吾外。無健祐。無嘉猷。無善途以解脫。苦時。毋必



自棄失望。濤風四起。動搖汝心。望吾照臨來慰。因補昔所奪樂。吾能全。言誠。許豈不踐。汝信劣哉。毅持善念。延待時宜。吾慰子靈。倏瘳心疾。雖魔誘至。曷懼。曷究知來。以苦續苦。吾曾規徒曰。現苦已足。且餘。毋思翌苦。翌情來否。靡定。妄驚虛喜。何耶。被誘失心。視初功若廢。悉劣德明徵。魔弗論真僞。或以現樂。或以來苦。謀陷善人。智者。因計斥計。固志望祐。苦時。子思吾逾遐。而吾逾邇。想功逾敗。而功逾崇。苦時明悟甚昏。難信己臆。勿嗟云。吾望已兮。吾光滅兮。詎能復來。思吾降苦。或奪神樂。皆屬天國正路。以苦試汝。并試先聖。以苦益彼益汝。蓋真德實功。由苦。不由樂也。予明汝情。物皆遂意。傲心頓起。

歸功於己。吾所與。能奪。所奪。能還。與之。吾恩也。奪之。非奪汝物也。吾乃物主。與奪惟命。與感其來。奪忍其去。智人哉。思奪樂。與苦。亦屬主恩。亦爲愛效。吾愛徒甚。每謂之曰。聖父愛子。予汝亦然。命汝巡世何意。爲享世樂。獲世光榮。嬉遊慶生耶。爲承苦辱。以勤行工。以忍成功。斯吾志哉。茲吾終諭。子宜佩之。

物遠主近三十六章

士謂主曰。求主勵弱釋絆。得騰上無阻。世愛。靈之黏梏也。達味聖王歎云。吾慕插鴛翼。戾天始安。善哉厥慕。純心樸人。能割世愛。知主超萬有上。知己置萬有下。知萬有衆奇。莫及主。

奇。惟遇士具是粹德。稀哉。世愛絆心故稀。非主特庇。奚及耶。但不及。則謂卑。人知世奇妙。曷益。主諸奇叢。妙海。外奇妙皆無可輕若無祈主照悟。蓋主照與人誨。懸絕。主照。超性光也。人受學而不勞。格物而無謬。人誨僉否。噫。人慕靈躋。冀嗜主飴眾矣。備以踴嗜。幾希。吾儕重外輕內。偏愛昵衰。胡能及之。惜夫。君善何在。外有善名。內實弗肖。勤業諸外。怠緩諸內。暫入於心。卽出遊外。內敗。詎得外全。何弗省過。盍涕已罪耶。世衡量爽。欲揚人。特美其爵位。勇富等。有謙遜。良善諸德。弗問也。彼皆倚世而僞。此皆屬主而真。

主曰。子欲靈騰。先宜舍己。次釋貪縛。貪人係心。愛己好游。圖非義樂。弗顧聖命。不別虛實。厥迷深哉。吾乃真實。外吾悉虛。子聆約言。棄虛必得實。解貪必獲安。聆訓而行。超光卽耀汝靈。答曰。奇哉主諭。詞約理廣。含諸德精。不爲幼童之戲。主曰。子視德峻。愈宜懋進。倘莫能速進。歎慕其進。子不偏愛。恒合吾與聖父意。吾乃汝愛。賜靈恒平。卒世享吾。前訓旣行。勿停善工。尙有多工。子無詳行。因祈而不遂。可貿吾精金。爲富汝靈。知重天國輕世。吾乃兼金也。智人還輕以重。癡人還重以輕。奈人視天如輕。視地如重。口云世態醜甚。行德美甚。但心口莫符也。隆德價多昧。故多迷哉。

心志莫定向主乃定 三十八章

主曰。子意弗定。倏發旋變。莫能恒一。時喜時憂。時亂時平。時勤時怠。時覺靈進。時覺靈滯。惟純德士。勿顧物變。弗究變風何起。特望聖意。若靈南針。以正生路向吾。無慮途迷。奈人心目少精。私欲多翳。經紀主復活一人。眾逮其室。但意不誠。弗特見主。并以見復。活人。吾意宜純。特求樂主。雜以外滓。何哉。

愛主致怡 三十九章

士謂主歎曰。真主獨一。統含萬美。僕幸享主。心足。無物可欲。嘏哉善人。厭世愛主。再四謂主曰。主爲萬有真主。居靈咸甘。離靈咸苦。善靈有之。一心受順逆。不分彼此。而恒謝主。陪厥

行。咸苦甘膳。否則莫和。若餲味也。俗智約二。世智一。軀智一。彼致身苦。此致靈死。主智真實。彼視若真癡也。棄世從主。克己遏欲。去僞獲真。輕身重靈。是謂智人。嗜主飴樂。物樂皆歸於主。豈非甚智。奇主真味。物味如餲。主光無終始。物光喻主皆冥。求主降慰。內照僕靈。乃締吾主。乃咏曰。慕覲聖顏。爲饜靈餒。主不速臨。吾靈豈晏。哀情未滅。八面夾圍。靈繞靡安。求主息風平浪。抑仇拆兵。僕乃揚主榮。蓋主吾望干城也。

世患魔誘難免四十章

主曰。子寓下土。汝仇夾攻。必宜荷戟捍攻。緩挽忍楯。魔荷傷之。汝心吾合。堅忍魔誘。否則失心。併失聖冕。宜進毋退猛攻。

勝者受榮。負者見僂。子獲世福。必喪天福。毋備心以承世榮。辦心以迓世苦。勿覓平心於世。於人與物。特覓吾平。遇世苦患。魔誘。眾辱。仇訶。受之以忍。是皆益德。天冕貲也。吾報瞬苦小辱。在世冀恒享神樂。癡冀也。先聖慕陞。先履苦途。肉軀外苦。魔感內患。忍望吾力。弗恃己功。思世樂微價。弗應天償。先聖預苦泪。汝妄冀神樂曷理也。恃吾勇敢。宜獻形神。撻苦。以求吾光。吾乃汝祐。宏報汝勳。

輕人妄議四十一章

主曰。子行時。意特吾悅。天理不刺汝心。有人妄議汝行。優心可輕。吾許其議。爲加汝功。子廼心謙。忍議則易。佞舌滑易。詎

可遽信。善人善行。眾訝難免。保祿宗徒務合益眾。謗猶不免。以謙忍聆誣嘿望吾。亦有時釋己善意。爲解眾疑。妄議汝人。今在翌亡。何懼之有。懼吾則是。懼人則非。佞欲害人。而實害己。終囿吾判。子必懼吾。不必互爭。就子時負。無故受辱。心毋失忍。勿失忍冕。吾視汝辱。報之以榮。灼知汝苦。償之以樂。人妍媸。酌應無爽。

已事託主寧心善則四十二章

主曰。子置已。卽得子。損世物。卽獲益。靈增聖寵。答曰。主諭置已。弗知幾次。孰事孰時。主曰。次次事。事。時時。宜卻俗務。每體吾旨。否則子愛吾未盡。吾愛子詎盡耶。可速可勤。可全斯工。



吾必愛報汝工。劣哉人望。有一。不全倚吾。遇迂失志。若吾難滿其願。有一。初全倚。惟志亦餒。旋復向世。彼此曷獲心平。詎克享吾耶。予叮嚀曰。爲吾舍物。更物于吾。享吾。偕享物。吾滿其欲。照悟。奚必蒐物。能脫物愛。生死託吾。魔感則微。妄情則息。偏愛則制。妄懼則滅。汝幸矣哉。

以智理務祈主自解 四十三章

主曰。子理外務。勿順軀意。強之從靈。若僕從主。智士以理爲上。以物爲下。以目右仰天。貴其真誠。以左俯地。賤其幻妄。心不凝物。特求聖意。依意用之。又勿覩事務外狀。弗圖悅目。宜潛心省務。偕聖每。瑟祈主。弗已欺紛心。主必燭悟。賜決現來。

羣情。經記每遇難。或惡黨逼己。趨聖堂求祐以承。子宜法之。若蘇被誑。經解故曰。輕信甘言。不預咨主。受誑宜哉。

行事忌數四十四章

主曰。子行託吾。待時卽遂。勿速其成。延宜吾意。乃益。答曰。事不託主。雖勤無裨。特洽聖意。大福大幸。主曰。人冀某事。恒欲速成。事成心厭。復營他事。曷能安哉。事雖纖。禁而止之。德驗安符。寬徵也。奈仇魔弗欲靈平。昕夕迭攻。非勤寤。免咎難矣。主驚徒曰。寤乎。禱乎。以免陷于誘惑。

有善毋夸無歸己續四十五章

士謂主曰。深矣人卑。主猶弗嫌。顧之人有何德。可膺聖寵。主

棄僕。不敢訝。弗允祈。不敢冀。茲宜尊主卑己。云僕始于無。頻墮于無。無善可樹。若主不扶。心卽澹散。主恒一。恒善。恒義。恒聖。恒智。恒以善義。聖智。御世。惜僕從慝如沿。從德如溯。志意晷移。主憫伸手賜安。從主乃易。僕或爲安靈。或爲獲祐。厭世僞慰。主慰卽至。僕幸善行。悉屬主恩。僕初全無。至弱。恒變。豈有善功可揚耶。時揚吾全無。愧矣。醜哉。吾揚也。甚矣傲害靈疫也。入心滅光。失寵忘主。念己。愛己。主最厭之。問光寵何。曰。愛主光榮。樂處卑賤。譽來歸主。有德蔽晦。有慝暴露。斯皆光寵驗也。俗輩互求己光。余特求主光。世光喻主。冥兮。虛兮。癡兮。揚主聖三。敷其榮光以永。僕所願也。

藐世榮貴四十六章

主曰。子見眾揚某人。重彼輕己。心勿生愛。思吾尊貴。慕天榮福。易忍汝輕。答曰。迷乎世人。眩目如盲。不覺其幻。僕審己內外。迄今未獲人辱。胡異吾主。惟方主命。主故用物若兵。以懲僕罪。可認僂輕。特應吾罪。榮光特應主聖。僕可甘迓萬辱。否則心志不寧。愛欲不定。明悟不光。靈莫能締主也。

善友艱志心寧四十七章

主曰。子交友求樂。不能遂樂。靈貿心繫。樂真惟吾。愛友爲吾。友雖離或亡。心享恒平。吾不締交。其愛弗淨。毋覓愛人爲樂。知遠世樂。可邇吾樂。己愈卑下。吾愈尊上。聖寵愈滿。汝靈。世

愛填入。聖愛匪入。蓋聖神特求靈空。再三勸子曰。謙罄世愛。吾愛。卽物子心。子重視物。吾輕視子。勇克褻愛。吾卽照靈。偏愛雖微。大污靈性。大阻聖寵。

哲士輕俗狡知四十八章

主曰。子聞囂人高論。勿揚其智。天國不係於論。惟係千德。聽吾言可。吾言熏心燭悟。致悔怡靈。子誦書時。勿圖眾譽。圖克惡情。斯則真知實學。旣博覽洞理。思予乃理源。汝知歸予。吾能開悟。俾樸者踰哲。須臾勝人十年攻書。惜人好知世事。不思事吾。定期將至。吾乃萬神之主。萬師之師。降稽庶學。察妍媸行。當日悉露其隱。囂論悉止也。吾教真實。無有鈍否。愛嘿

忘喧。厭世光榮。輜今重後。爲道忍辱。愛吾物上。皆吾教奇也。近有熱心愛吾者。明悟頓開。所論駭諸學士。吾蓋其師。惟受吾教有殊。吾亦隨器導之。或傳公理。或傳奧情。或印超性美像。或授神光。賜預知現來多情。世師死師也。其教執一。吾乃活師。任教世人。

閒務愜心四十九章

主曰。事不關己。無煩心知。視汝若死。視世亦然。有言刺汝。自視若盲不見。若聾不聞。寧存內平。毋啓爭端。子心吾心。子意吾意。雖人似勝汝負。忍承則易。答曰。憐哉世人。爲小損甚痛。爲小益甚勤。弗念靈性損益。以輕爲重。以重爲輕。皆淪世汚。

甘滯于物者。

浮言毋輕允 五十章

士謂主曰。求主祐僕。得洞人意。蓋僕常信可疑。頻疑可信。宜依真主。勿依妄人。無受人誑。皆屬主恩。噫。人心易動。恒昕愛夕惡。人卽至智。胡金無謬。智士依主。主開其悟。免錯。嘿祐扶持。豈有善人望主。主忘彼耶。忠友難遇哉。窘時。則忘夙忠。忠友惟主。恒祐善人。智善之士。全倚主曰。吾靈安兮。以主爲基兮。僕智不及萬一。聞言刺心。常驚人面。靈卽失平。噫。孰能預知來害。預知之。受傷。不意偶至。傷益可知。奈僕至迷。曷不預防。曷輕信。人視吾若神。吾乃實劣。惟主至真至善。弗克欺已。

欺人。人皆至弱至誑。多淪謬言。外論似善。中藏可虞。不可遽信。主預警人曰。戒之戒之。毋輕信人。卽汝眷屬。恐亦汝害。設有云。某在彼在此。悉勿過聽。噫。僕邇被欺。祈主加智。得戒將來。有朋隱衷囑吾曰。宜蓄勿露。旋不禁自洩。亦嗤吾愚。求主免值若人。卒勿踵轍蹈欺。賜言悉實。所惡于人。毋踐毋行。毋輕洩密。毋輕聽言。心藏鮮露。惟陳于主。預察事後行之。智人也哉。善行忌目。隱光免人揚。圖改愆益靈。斯保德善法。彰德喪德。隱德成德。今世攻敵。無求暫光世也。

祈祐耐毀五十一章

主曰。讒夫恃口傷子。慎毋失心。望吾堅忍。思謗言。皆虛氣而



已。出口飄空。弗破砂石。子聆有辜。改宜。無尤。爲吾忍宜。異汝。柔劣。不承重笞之撻。承忍纖言之鞭。曷甚事哉。子問輕言傷心何。曰。偏愛己。重人目。懼人輕。因覓多故以飾。子入內詳審。則知惡情迄今未攻。傲情居心。汝未死世。世未死汝。子聆吾言。誹語必輕。設百喙憑騰。倏出訾汝。聽而輕忽。能傷子乎。能損子莖髮耶。人不入心。不安主命。聞謗易動。思吾灼洞人意。知謗受授者。將判其行。惟欲先試彼此。以顯孰是孰非。迷人欲測吾意。視之若差。可知毫無爽也。子欲無差。伏悟勿察。智者爲義受訾。安命託吾。志每弗失。有人污名。不愛。有人滌污。不喜。待判末日。可知吾意思。吾目人目。大殊。人視某事如妍。

吾視之如醜。答曰。義勇。忍主。知人劣弱。求主健劣堅望。僕聆  
謗宜謙。反傲無忍。求主釋無忍罪。賜力以忍。寧望主慈求宥。  
弗寧恃善。以表善意。設僕無罪尤。奚能啓口主前。蓋主不憐  
人。孰得恃其善耶。

人想天醺易承世艱五十二章

主曰。子爲吾膺苦。毋厭其劇。毅志勉承。思所許報。必樂忍受。  
吾能無際。富不竭。平準量餘。以報汝功。暫勞卽止。不復再至。  
世態恒流。苦胡能住。勤加善功。吾不忘報。時書善書。時誦聖  
經。時咏聖歌。時悔夙非。時訥嘿道。世患或至。樂以迎之。是皆  
苦勞價。比天寶遠甚。吾定日以報。是日奇矣。太平巨光日也。

其平不移。其光匪變。子旣進天。奚歎。胡云。孰解吾靈。俾脫是軀。使吾罪人安哉。天國常生。常寧。常樂國也。死永不入焉。諸聖寓世。受侮甘辱。惡輩待若匪類。設子獲覩厥光。心謙則易。喜居眾下。忌居一上。弗慕世樂。以損爲益。視苦猶安。子鏤是訓。苦劇毋訝。爲享常生。忍世諸苦。不亦宜乎。得真福。大得。失真福。大失也。舉目翹首。視吾。與吾諸聖。在世攻敵取勝。今受樂安。不慮其盡。偕吾恒享聖父真福。幸哉。

天樂世苦情態丕殊 五十三章

士深歎曰。奇矣。真福上國之城。大耀不夜之日。主其榮光也。是日。樂日。定日。永耀無變日也。是日。倏至。世苦倏滅。僕所愿

也。奇哉諸聖。恒觀吾主。恒享其光。惜乎世人。恒遠吾主。特用信望二德。若靈冥鏡。弗得躬享其光焉。聖人恒享彼樂。世人恒囿茲苦。噫。世景。暫矣苦矣。吾儕居世。污于己罪。陷于惡情。逼于憂患。羈于身貲。迷于多差。勞于煩苦。罹于誘惑。湎于逸樂。窘于貧乏。僕冀死至。致多苦終。奈身係靈。吾冀速解。得免世苦。始享真主。靈內外多阻。莫能如意騰焉。僕形神何時平穩。得覲聖顏。入主所備。報愛善者國耶。茲若旅仇域。世攻不息。求慰減情。主慰靈輕。世慰靈重。欲懷主靡及。靈欲奮飛。身世。魔。三仇未滅。強靈墜下。內外互爭。勝負難定。僅興嘿工。污像條至敗工。祈主勿離。無以義怒彰罰。賜光滅像。忘世念主。

賚天真樂。得厭世慰。惜吾劣弱。在主像前。靈欲洽主。心卽馳外。失敬失愛。求主憐宥。吾每念世。愛世效也。主曾規衆曰。汝愛何在。汝心偕在。愛天。喜論天情。愛世。厭逆傷心。厭順悅心。愛身。則求形樂。愛靈。則求神忻。依愛物。像印心。旣歸室。莫能盡刮。則知人爲主輕世。毅然克己。福哉人乎。恒享心平。靖嗣嘿工。可與天神匹之。

世愛處先天醞處後五十四章

主曰。子想天樂時。幸覺心熱。冀靈釋纏。以享永無變之吾光。宜寬狹容。宜謝主恩。斯慕由吾。非屬汝工。吾賜汝騰。不見身重。問聖意何。曰。欲子進德增謙。備心當苦。日勉事吾。斯吾意

也。惟毋過信現慕若純。思火就耀。難免雜烟。人慕亦然。似淨而愛己。內隱。污敗其慕。子恒類是。勿求己樂。可求吾光。吾光宜先。汝樂可隨。吾知汝欲。已聆汝嘆。欲得真平。慕天福境。必思。永福未至現執頓殊。現時攻敵。試德時也。在世。詎能享永平耶。子望享吾。吾先試汝。汝先承苦。後必得吾。居世。賜子一點神樂。弗賜全解靈渴。可勉攻情。可釋舊人。變爲新。子屢所欲行。人則阻。所忌行。人反強。人皆徇欲。汝意莫遂。僉仰眾論。而嗤子語。人求而得。汝求而失。人受譽。汝受黜。人理重任。汝屈眾下。奈軀憂也。但得訥忍。大功之由。予率以苦試德。子能舍己。勝邪。伏傲。吾忠僕也。時有長命逆意。宜勉行之。思世憂

暫。天樂無已。在世卸意。迨天無物逆意。居彼。萬善沃靈。弗慮再失。予汝一心。諸聖愛汝。彼汝一欲也。子在世受辱。世人受榮。子心愛。人心樂。子囿下。人超上。子承長命。人受厚壽。宜思吾諭。必甘抑己。人求于汝某情。弗別何人。專順其意。設有某人慕此。某人冀彼。子勿冀。勿慕彼此。屈己依命。生死恒求吾光。勿他求。可。

怙主耐患 五十五章

士謂主曰。揚主聖父。自今抵永。粵始甫命。萬有。卽顯主能全。行聖。意義。僕厭世樂。惟主吾樂。吾望。吾冕。吾光。所受諸恩。皆屬主寬。非由己功。惜僕窘乏可憫。苦疊靈憂。無奈痛哭。魔誘

懺心。無奈失平。求主慰靈平心。賜享樂平。主。善人之光也。主臨。靈慰心平。僕永讚揚主光。主若甫離。僕靈若係。停工痛泪。拜俯主前。乃吾急工也。主向照靈。覆翼下。易勝世患。敗魔狡計。今主暫離。難哉。明別勝敗。至義聖父。今試僕忠。僕宜顯忠。欲試僕愛。僕宜顯愛。從無始時。主定斯苦。欲僕外死內生。是主定欲。敢不惟命。苦能致謙。驚主淵旨。特求上祐。弗希世庇。何苦非恩。深哉聖意。試善人德。試惡人罪。斯試。皆主聖意。主知僕罪。降患以徵。可謝宏恩。主乃良醫。能傷能療。能命人下。能命復升。苦乃主鞭。用撻僕罪。若善師策徒怠焉。今伏主若徒伏師。任主鞭策。棄偏返正。爲謙善徒。求主現罰。可免後刑。



主知萬民內外。預知來情。豈必世人告主。苦削靈縮。俾還初光。祈主憐僕。照悟熏心。賜知所宜知。愛所宜愛。主攸美。僕兼美之。攸重輕。僕兼重輕之。賜度量世物。無爽差矣。世權衡。依者謬。愛者謬。勿思物妍與媼。弗屬眾口。迷矣世人。誑揚誑。虛美虛。朦稱朦。弱譽弱。皆妄互誇。而實相辱也。聖方濟各謙甚。常曰。惟主知人。云是則是。云非則非。人知。僉謬也。

內愴習外善務 五十六章

主曰。子弗獲時。嘿道。恒繼神工。在世負軀。厥執恒垂。可忍其重。靈繫軀肉。不得憑意上達。宜且恕若順身。姑罷神工。習外善行。視汝若旅異地。望吾必來。向平復至。悉忘斯苦。照悟得。

慧經蘊。再進默工。若入嘉境焉。令子心曠。奮飛十誠天路也。子乃怡嘆曰。世患擬天真福。輕哉輜哉。

毋怙績祈樂宜認罪應罰五十七章

士謂主曰。僕罔功可恃。以望寵慰。主若答僕。理義也。僕雖淚如海。得主滴慰。猶遠。主視本慈。不忍棄人。免懲其罪。僕宜受罰。主反加恩。僕恃何行。望主樂乎。勤于惡德。怠于善行也。設僕心昧。忘認己罪。主卽罰僕。本罪畢呈。無救之者。惟爲獲罪。物萬攻我。奈予醜行。宜應地獄。豈宜謄名于主冊哉。吾聞斯雖愴。但欲望赦。宜先告罪曰。茲伏慈主。無敢鳴功。惟號悲主。寬宥宿愆。賜僕今痛往罪。後免永刑。罪人悔深。主卽怒息。噫。

釋罪之望。靈性之平。聖寵復至。免應罪懲。慈主抱懷。皆痛悔之奇。噫。其聖祭馥郁也。古教祭馨。豈及。至慈上主。永無棄悔人。大矣。泪能。竟湔靈污。悔罪。人堅城也。魔能攻之。曷勝之哉。

世愉主愛相悖 五十八章

主曰。聖寵貴珍。不克與俗樂處。子欲彼入。宜先此出。閉內慎外。嘿道痛悔。淚湔靈垢。棄世想主。謝俗遠友。入內邇主。宗徒伯多祿曰。吾弟。視己。若旅異鄉。勿戀今世。物不繫心。去世安逝。惟心精粹如斯難哉。人欲精研嘿工。宜杜內外諸情。克內勝己。乃諸攻之始。後勝外敵。甚易也。人俾肉軀從靈。俾靈從主。主已。主世。成人也。子慕究德微精。芟偏愛芟。內既淨平。物

卽離心。惜人偏愛己。恒順邪情。世務繞心。胡能嘗天國神未。故務修之士。嘗稀。欲慕其味。禁己僻情。遏世邪欲。斯其法也。

聖寵私欲頓殊 五十九章

主曰。子察聖愛私欲。二者背馳。高德之士。猶難分也。人言行時。僉謀益。惟益有美醜殊。但美中。頻有藏醜。因多欺己。私欲矯僞。強羈人心。向己背理。聖寵樸質。無纖僞影。行時。惟主其向。其安也。私欲愛己抗人。強伏求勝。聖寵克己從人。不樂求勝。爲主忌高。樂居末位。私欲特圖己利。望報乃行。聖寵損己益人。私欲喜譽樂尊。聖寵尊譽歸主。私欲遇侮勿甘。聖寵爲主忍欺。私欲偷閒虛度。聖寵好勞惡逸。私欲忻逢美景麗衣。

娛樂。聖寵、厭值良辰樂做衣。甘苦修。私欲、得利而喜。失利而憂。聖寵、輕賄賤貨。得不足喜。失不足憂。其寶帑在天。弗虞盜攘。私欲、易受難授。愛藏惡捨。聖寵、仁也。寬共所有。尙儉從約。以授爲貴。以受爲卑。私欲、好交應酬。縱內外司。聖寵、愛靜厭交。約內外情。私欲、喜締尊榮。揚親旅貴。結上中下。求其歡心。聖寵、愛仇。親友不善。勿恤其去。憐貧責富。就忠棄僞。引眾肖主。私欲、乏貲而慍。聖寵、乏需而喜。奇哉聖寵。超性之光。主之特恩。簡人之號。天國之勑。是也。靈有弗覺任重。若神上騰。棄舊服新。皆其奇妙也。私欲愈負。聖寵愈勝。人愈肖主。

聖寵勵人性弱 六十章

士謂主曰。主造僕肖主。祈賜最切聖寵。扶弱勝邪。靈與軀敵。軀每累靈。不堪其苦。無聖寵勵翼。焉能不屈。性旣染原罪。又蟻已愆。其劣甚矣。非聖寵卽隕。無力復起。主肇造人。其性美甚。惟罪卸美。使身墜下。靈亦隨之。厥始健甚。今愛欲明悟。多疚。問愛欲明悟。何疚。曰。明悟始光炳耀。今耿若火藏灰。可否畧辨。惟愛欲循理至難。循否極易。僕雖愛聖教。雖明主誠聖。義亦知從者有賞。違者有懲。奈邪情牽靈。引行攸忌。慕德莫行。宜進反退。求賜聖寵。以興善工。繼終焉。聖寵在靈。勝難亦易。否。則靈屈。行亦無功。人卽有技巧榮富。美勇智畧。主前悉輕。蓋世奇妙。皆本性恩。善否。皆共。聖寵善人之號。天福之券。

也。雖預知來情。多行奇蹟。徹經妙理。有信望等德。無聖寵配。謂之孤隕。謂之主無愛之德。聖寵富靈。若露潤木。俾結天國嘉實。不則若木槁也。求主賜之。靈乃足矣。并厭世寵。厥勇彰哉。使輕魔誘。愛迓世患。性靈之師。行德之導。耀冥慰患壯志。育德之母。悔罪之根。是眾妙奇益。由於聖子無窮之功焉。祈大父賜以聖寵。提吾神劣。可也。

從主若徒從師六十一章

主曰。子彌失己。可彌得吾。外物之失。內平之得也。吾乃直路。真實。常生。非路莫行。非真不明。非生必死。吾正道可遵。真實可信。常生可望。從吾必循正路。明真實。得常生也。子欲陞天。

伊惟守誠。欲明真實。伊惟信吾。欲進德蘊。伊惟售貲濟貧。欲爲吾徒。伊惟舍己欲得常生。伊惟輕世暫生。欲天榮福。伊惟居世謙抑。欲偕吾常樂。伊惟同吾耐苦。另無他直道也。答曰。吾主。聖路。難且狹哉。祈增力依踪。主乃僕主。且師。賚僕隨主。賜徒法師。主曰。子旣知。旣誦吾訓。宜勉行之。乃謂忠僕。爲我吾徒也。知誠而守。是人愛吾。吾亦愛之。賜其覲吾榮福。答曰。求主賜祐。得悉僕職。旣肩教任。卒宜忍荷。吾友。偕吾事主。偕荷教任。偕承其重。主先吾宜從之。旣有主庇。必不失志退後。致玷聖教英名。

落時勿喪志 六十二章



主曰。子樂時嘿道。吾悅。憂時忍誹。吾愈悅。聆訾曷憂。訾雖橫。安聆之。旣息此訾。脩聆他訾。子久寓世難免人讒。今日有訾。翌日必有來日亦然。今日之訾。竟無終訾。宜毅持志。噫。子能一言勵人。惟一撓逆。志失心憂。須識已弱。吾許是苦。爲增汝功。毋懟讒人。倘聞而莫能樂受之。宜忍受之。緘口禁言。毋傷忍德。勿招劣德之光。乃心頓息。吾臨化苦爲甘也。時或心搖。或魔誘慎勿失志。若無法救。子乃人類。豈能恒一若余耶。爲人負軀。豈得精純若神耶。且天神居淨天而隕。元祖居福境而跌。汝僑滑世。詎能恒立。識弱謙祈。吾能扶之履定。免頻墜也。答曰。甘哉美哉。主言慰患勵弱。求主旣渡世海。可抵天岸。

賜僕善終。生世苦樂。惟命。

聖意毋測 六十三章

主曰。子勿究予旨。勿問此何苦。彼何樂。吾旨邁超人意。時魔引子究或。好事人間汝。可引達味聖王詞曰。主之義聖。意正。旨真。宜驚毋究。又勿究聖人之品。孰高孰卑。互爭曷已。諸聖不欲。吾亦不愜。吾不爲爭主。特爲睦主。真睦。由傲謀勝耶。由謙喜負耶。吾造諸聖。與以恩寵于無始時。預知其功。預定其數。吾預選彼。彼莫預選吾。吾提善念引步。扶祐以憐慰。勵以苦加功。報以真福。吾知孰高孰卑。而皆甚愛之。子思其福。宜揚吾善。勿究厥位。輕一若卑。亦併輕吾。與天國諸聖。蓋高卑。

吾僉愛之。彼僉互親。意無二也。在天諸聖。雖愛己功。與福。愛吾更甚。吾心。其心。吾意。其意。外罔心意。惜哉世人。特知俗愛。任意增減。天國情執迥殊。庸人淺澈。豈能詳別。人宜緘口。勿究逾分。惟務昇天。爲諸聖末。知聖高卑。汝靈曷益。宜謙己揚吾。思汝罪重功輕。差遠聖功。茲思吾樂。汝益。子宜謙痛求祐。知聖真福。虛知也。聖不望汝知。以增福功。其功福。悉歸予。靈盈真福。豈望世人虛譽耶。其位愈崇。謙愈甚。愈邇予也。噫人多欲知聖人孰高。弗知逝後。得天末秩。高矣。聖人之位。無一乃卑。蓋咸天主義子也。問何道逮其尊位。曰謙卑。徑道也。昔宗徒問主曰。天國衆聖。孰大乎。主曰。卑細若孩。居天國則大。

否。則弗克入天。矧爲大耶。迷哉。傲人惡卑己。心謙若孩。詎能入天窄扉。可惡世榮福人。其天在世。天國弗慕惟神貧。謙者克入。富貴者。外哭莫進。謙者宜樂。貧者宜喜。卒世堅持善志。天乃汝國。

仗主行事六十四章

士謂主曰。僕恃慈主望慰。主遐。世物僉損。主邇。世物僉益。主偕。貧者至富。主離。富者極乏。僕寧偕主旅地。弗欲離主居天。蓋主攸居之處。卽天堂。不居之所。卽地獄也。僕恒嘆念主。恒祈望主。人僉恒圖益己。主惟謀益僕靈。試之以苦。欲吾增功。主或以苦患。或以樂忻。欲試善人。宜承以謝。蓋彼此。咸大顯。

主愛。僕今茲苦。非託乎主。人世孰能救哉。慈主不庇。友善莫益。不扶。人力悉弱。不照。嘉謀靡遂。不諭。神書無味。不恤。世富莫濟。不翼。密處難衛。噫。物雖殫力。致吾安福。非主勵翼。物力悉綿。惟主。萬善之終。眾德之源。至智之帑。事主之毅。善人之安。僕日望主。若子望親。求主祐靈。惻盼允祈。賜生時。苦海順渡。逝時。天岸直登。希如吾語。主致成僕忻焉。

輕世金書卷四凡一十八章

極西陽瑪諾譯

甬上門人朱宗元較

聖體領時宜窮寅畏一章

主曰。苦患者。荷重者。僉來。予慰且輕。予體永生甘味。爲世蒙難。須僉來受。憶予蒙難丕恩。予體味真血。飲真。人受懷予。予亦懷之。

士對主曰。茲主奇諭。僕宜鑠感。言出主口。信主言哉。口出爲予。信予言哉。主諭慈甚。愛甚。甘甚。慰甚。勉吾以領。惟僕行醜。逡巡奚敢。主命予領。以享永生。招苦患者。荷重者曰。吾慰而

輕。僕甘懷慈諭。聆之甚喜。祈懇窮餒。主備豐宴。以飫僕靈。斯恩特典。敢輕赴耶。主容廣溥。層天莫包。猶延眾領。主仁惠至。僕罔寸績。可怙。曷敢延入污靈。神聖僉恭畏主。主尙延眾。倘非主諭。孰克允之。非主嚴命。孰敢邇之。諸厄古義聖也。創舟百祀。闢眷始免森留。僕晷暫。胡獲辦靈。領造物主耶。每瑟主至。愛古聖也。以堅木創櫝。韞十誠。二鐫石。吾本罪朽。曷敢領性。古新教。真主耶。撒落滿。古教智富統王也。構麗聖殿。七祀工成。八日命建大禮。獻萬犧牲。斯工奚爲。安聖櫝耳。僕皆乏甚。畢生蠢懈。罔晷專靜敬主。敢引降靈耶。噫。斯咸翼翼主恭。競競主樂。僕曷嘉績。將領聖體。僅僅暫辦。暫中心猶馳騫。靜

想僅有暫晷半耳。今若僕在主前。旁念外相。弗宜紛心。蓋匪  
延天神。乃天神共主也。古教聖櫝。擬主聖體。遙絕。彼韜十誠  
二石。茲韞主諸德異奇。古教祭各脩一妙。聖體一祭。統萬祭  
衆奇也。嗟予心懈。盍奮備領。念此先聖勵工。赧吾憚勞。達味  
聖王。不禁聖櫝前踴躍。命製八音美樂。躬撫奏之。聖神啓翼。  
造聖咏焉。命國人夙夜讚主。吾儕對主。宜致容肅。將領聖體。  
宜致靈淨。噫。衆甘羈異鄉。爲瞻聖殿。仰聖殿麗。敬聖遺物。聖  
體。諸聖之聖。司祭者祭時。主儼目在。罔俟遙瞻聖殿。聖物。噫。  
外仰聖物。多爲好遊。非爲敬也。勞而罔功。領聖體。有功無勞。  
其信彌篤。望彌殷。愛彌炎。噫。造物弗見之主。爲恩善靈躬建



聖體毓之。人善厥生。頻承浩恩。罪僕詎怠領哉。倘問恩何。曰。承聖寵。一。加聖愛。二。還神美。三。增神力。四。憶主苦。五。領昇天。六。惜吾荒怠。弗想恩多。奇矣聖體。天樂世存也。人猶輕視。倘聖體拘一隅。司祭一士。教友僉趨彼隅。冀仰此士。虔與祭。以淨心領。然主恩浩蕩。在在有祭。處處有士。宜感浩恩。胡反褻視。主若良牧。吾乃羔羊。將體血以字。躬諭眾曰。苦患者來。荷重者近。予憫輕之。忍不銘謝耶。

聖體主愛善表二章

士謂主曰。怙主善至慈極。僕敢邇之。若疴邇醫。渴邇泉。貧邇富。役邇主。受造者。邇授造者。困患。邇憫愛之主。僕奚績哉。曷

敢適主。主胡屑適僕耶。主知予匱勤難領。茲宜認己卑。嘉主至善。仰主至慈。揚主至愛。命僕領之。益知主善。益宜謙戴。倘有聖命。曷敢越之。祈祐可遂。噫。拯世真主甘美。孰克解之。聖體奇奧。孰克詳之。茲以洗心願領之。奈敬不逮也。今對主何思耶。思己本卑。稱主極尊。迄今以示。主萬聖源。吾眾罪澱。主猶欲吾赴晏。瞻主亦驚。矧敢赴耶。宜感至愛莫己。遽矣聖意。全乎主能。誠哉主言。聖體欲韜麴酒像內。物卽惟命。人領之後。主體若仍。罔微減也。領不裨主。惟裨己靈。祈錫淨心以領。熾心以愛。誠情以謝。活恩。乃僕靈大幸也。主悲靈弱。貽厥體血健之。俾安渡今世苦谷。使中道勿至困倒。人領聖體。共主

贖工。邇主丕功。奚敢不備。可念領時。主入汝靈。如降聖母淨胎。若當時被釘聖架。爲贖萬民。

頻領裨靈 三章

士謂主曰。僕邇主。若賓赴筵。因承主惠。健力勇望。靈獲神光也。獨主克以拯。曷另覓貲。僕茲欲領。賜獲淨心。殫力以恭。望主祉僕。若昔社叵。穀賜書僕。名于義子之籍。靈慕洽主。祈臨足願。主不吾慰。他慰曷益。主不臨吾。此生奚裨。僕須頻領聖味。否。則靈餒。弗能進前。主曾誨眾。識匱餐。曰。吾悲眾饑欲拯。倘命枵旋。必偃中程。祈主錫僕亦然。聖體飫靈。天國劑也。僕頻陷憊。淤缺嘿工。宜頻悔解。黽領之。深可哀僕。原性疚多。易

沿難溯。聖體。神藥也。止惡集善。懈而不嘗。神瘳難哉。奈僕至劣。頻領。心猶頻澹。無領。心寒可知。但每日難脩以領。宜遞年頻領。以沾異恩。以憫旅苦。人領聖體。主爲上賓。益友。良伴。若人幸福奚比。飴矣。可愛正主。覆載雖極清華。詎克與擬。主乃清華源。覆載。其涓也。俯謝至善極智全能也。

領聖體併受超恩 四章

士謂主曰。祈主預備僕靈。以領極奇聖體。俾忻心清。啓靈昏。獲嘗天味。聖體。妙若涌源。含諸神滋。祈燭靈堅信。匪爲人計。特爲主奇。厥奇。天神雖睿難悉。矧吾魯哉。僕今以純心篤信。爲遵主命。敢領吾真天主。真人。錫愛合主。遺世僞喜。聖體活

靈。健軀。藥疚。室欲。祛誘。增寵。掖行。堅信。篤望。炎愛。孰克。悉多。恩哉。人領前。心靈寒懈。志劣悟昏。領後。厥效頓殊。乃信其性本劣。聖體之健。而感主鴻恩也。噫。孰邇甘泉。不潤其渴。孰邇烈火。不煥其寒。主乃不涸靈泉。不熄神焰。僕雖勿克盡消靈渴。領之。得挹一勺澤靈。雖弗獲心熾如神。受之。得獲星火解凍。僕力綿。靈缺辦。祈主葺虧。噫。慈主躬招苦患。荷重者。僕靈茲苦。愆任重。魔誘劇。主懇憫輕勝之。僕惟託主。祈導履。勿錯天國真路。錫頻領主。以增靈力。加神績。

聖體之貴司祭之能 五章

主曰。子心雖淨如神。靈雖聖如若望保弟。以領聖體。汝淨聖。

弗及兆一。聖體隆重。人領或祭。匪由人績。惟屬主能。巨矣司祭之能。厥職巍哉。天神莫逮。獨彼克祭。克聖麴酒。俾聖體隱含像內。司祭乃主奇器。遵命著奇。主乃首工。信主能全。可釋多謬。從軀五司。多差。士旣膺司祭高位。以忠以虔。依時宜獻。爲厥秩貴。宜謹。宜以嘉行榮貴。當思弗減夙任。尤加重任。厥任至重。厥德宜精。不可締俗。宜交善士諸地。或神聖諸天。司祭代主僑世。宜恒祈爲己爲人。祭衣前後。備聖架形。爲憶主苦。前以瞻依主行。後以耐世艱。前以悔己罪。後以懇眾愆。其乃天主林民中人。宜爲眾祭毋斃。獻時增主榮光。加天神忻喜。祐助生人。靈煉釋苦。承主受。難丕續。

領前祈主示工 六章

士謂主曰。僕思主貴己微。顏慙膽慄也。弗領。遠神生。冒領卽招神死。奈之何哉。猶豫不斷。祈主示僕。宜行何工。

主諭 七章

主曰。切工約四。一。將領匪圖己樂。特求吾榮。二。識己原卑。謙若罔功。三。虔心致敬。四。密察夙辜。重者悔告定改。勿畜刺心。輕者得便宜告。未便。自懊祈釋心痛。爲僻情不克外司弗謹。狗欲無節。怠而罔策。饕而勿塞。易取難與。尊己卑人。迓樂遜苦。忻囂厭嘿等。旣懊眾辜。更警方來。宜以心爲殿。內外託主。乃堪領之。噫。善士偕吾聖體。獻己心靈。厥獻貴尊。吾經內云。

罪人罄心痛改。然後求釋。吾永忘其罪以懲。吾愛罪人神生。詎愛其神死耶。

領先獻已於主 八章

主曰。予承苦時。以刑架爲臺。伸肢裸體。若純牲焉。獻吾聖父。爲贖世辜。子宜法之。欲領吾體。奉吾以己。吾輕物獻。特重靈獻。世珍卽陳汝前。而不享吾。何益汝矣。然子獻吾珍物。而缺子靈。吾奚貴哉。已獻于吾。子乃有吾。吾享子獻。子乃吾享。吾獻子聖父爲子。留體ミタ麵酒像內。因毓子靈。形神吝奉。詎克洽予哉。將獻物。預宜獻已。以獲心平。以加聖寵。否則獻虛。予曾警衆曰。人不輕本體遺世。吾匪厥師。厥匪吾徒也。子欲承訓



爲徒。身靈獻吾。厭已棄物。

領時爲人爲己祈九章

士謂主曰。主初造覆載萬彙真主也。茲將領主。億兆神聖之前。先獻形神。以求事主。次獻夙愆。祈燼于愛敬。錫聖寵。俾獲復洽。如憐君洽厥臣焉。僕今恫解。定更冀贖。求顧本慈。忘僕眾罪。次獻纖麓善行。賜鎔其滓。增力遷改。可詣天國也。次又獻修士善願。親朋憂患。恩友爲主施貲。爲之代祈。或現居世。或已往逝。而寄寓煉所。祈主祐慰之。俾皆讚主。次又獻爲受吾害。與授害吾。或故或偶。授受祈主。彼吾之釋失。賜諧互愛慈主。祈錫聖寵。偕主恒享真祉。

爲微阻勿緩領十章

主曰。聖體。乃聖寵源。慈海善柢。宜頻領之。以勝衰情去誘。猾  
兮魔算。經云魔飾天神誑形。覺人慕領。殫計阻之。或託僞懼。  
或憶往愆。俾或勿敢。或以冷領。致失靈益。宜藐勿畏。以智破  
詭。乃勝魔計。又有人。領前特冀勤脩。悔告至再。尙爲未及。是  
以魔誘也。遵神父命。汝靈託渠。弗信神父。反允魔計。獲靈益  
乎。得罪茨心悔解後領。汝戾人。宜預荆請。人戾汝。宜誠恕之。  
主乃汝恕。遲悔遲告。必招怠心。靈奚益哉。早哇靈毒。早服神  
藥。靈卽靖焉。今爲纖罪憚領。翌或增巨。日日或如是。領當何  
日。宜勇改鼓銳。毋延時日。延日。必愈懈也。迷矣怠人。勿欲善

生。憚恫告解。因延領主。厥信劣哉。厥愛清哉。士勵治靈密領。主則眷之。斯爲真社士也。有士不敢密領。爲釋人訝。或爲彰謹。獻己願領。主監願增勳德。士每冀領主。是謂神領。日日時時。得如是領而勿懼人異。蓋心每冀領。每憶主苦。共其苦功。若每神領者然。但年每值大禮。宜脩實領。爲揚主益靈。更有攸警。欲領。宜預辨靈。勿待臨期。否則恒覺罔脩也。

聖體聖經毓靈十一章

士謂主曰。至甘救世真主。善靈赴主嘉宴時。而共其滋。難詳其樂。蓋主嘉宴。特善靈極愛之主也。今僕伏主。暨天神前。慕心灼。目淚垂。偕聖女瑪大肋納俯雪聖足。奈心澹目枯也。主

雖戢威韜光。誠信主在像內。倘主顯體耀彩。吾與萬眾。詎克直觀晶射耶。主藏體彩。爲恐眾劣。宜感主慈。異矣。吾攸欽之主。天神攸欽之主。無二主也。惟彼瞻之不眩。惟吾以靈目信。麵酒外像。實幕覆主體焉。僕居世。宜安若命。從信德耿。延望天國神光。乃信德之影。盡滅悉散也。聖旣入彼。體康光遍。勿需聖體靈藥。僕想厥禧。就靈享主樂。未獲覲主。靈乏罔慰。弗克全寧。居世。就難覲主。以耐洽之。鑑主。先聖。往生時。深羨覲主。延忍育望。主卒慰之。僕今信。厥攸信。望厥攸望。彼攸享。僕恃祐。偕冀享。在世倘艱全享。主聖經以聖善書。以主聖體。寬望靈慰。貲靈有二。神糧一。神光一。聖體。神糧。經書。神光。則是。

古教聖殿主命兩几。一列聖味。一列聖經。咸像聖而公會也。有聖體天糧。以字善靈。有聖經神書。率履天境。戴主浩恩。欲人知厥愛至。肆筵備味。匪古犧牲。殺乃主體。渠體雖一。統古萬祭妙異。味含眾滋。天神僉降。偕吾饗甘。惟其甘。愈甚也。主萬光耀。咸留聖經。若燭引途。普囑冥界。

領須勵脩十二章

主曰。予乃聖源。惟祇潔靈居之。子以心爲臺。蕩污拂瑱。耀以眾德。吾偕宗徒宴厥內。欲予臨偕住。忻靜厭囁。省悔泣罪。人延愛友。預華宇彰敬。子又須知。就竟年祛務。劇工顓領。祛劇不逮。領由吾慈。匪汝績也。譬富延貧啗味。貧詎克償。唯謙感

耳。子盍法之。辦靈後領。吾補汝缺。領覺心焰。毋歸汝績。惟歸  
吾慈。若覺心清。悔涕俯禱。工毋懈停。愈宜劼增。汝需吾恩。予  
弗需汝工。領吾。匪加吾聖。惟加汝善。宜懷斯恩。今將示子善  
法。領先辦靈。既領尤辦。毋閒善工。子克若斯。方可繼領。領訖。  
勿卽邀外治俗。主居汝靈。可默翫之。普世雖力殫。弗克奪吾  
于汝也。身靈仗吾。存歿宜祈吾榮光。

領時祈主締靈十三章

士既領。謂主曰。僕愿與主偕處。剖心祈示。爲享吾主教世。爲  
懷吾主遺物。諧主。如良友相歡。頻領聖體。以脫百繫。以嘗天  
國奇味。斯僕願望。噫。僕幸忘已。時日憶主。心謙以領。乃靈靖

心慰也。蓋主厭棄傲輩。輔弼謙士。真主之甘。至矣。左道之迷。深矣。厥主曷有近爾。若慈主邇吾耶。主密臨吾。聖體締靈。愛之若親。主恩浩哉。主冀奚禱。惟冀僕心。茲貢獻主。既貢既獻。僕心丕暢。主乃嘿謂曰。汝欲偕予。予欲汝偕。答曰。祈主卹賤。弗屑偕處。僕今惟願締主。以心爲心。

效法善士燄領十四章

士謂主曰。聖體含諸異味以愜。僕思多士。勤業以領。深赧吾怠。彼冀領弗獲。心痛眶洟。視靈若餒焉。既領汨拭靈饜。厥信愛主實居像內。正效也。快憫羈旅若良朋斯主旨哉。奈僕匪師。因心罔炎。祈錫篤信。切望。鍾愛。爲燠心凍。俾長燃也。主能

全。欲卹匱。允攸祈。奚難。茲僕雖乏。是士之焰依祐。偕彼熾心。同彼領主。共其神功。茲咸僕願。

以謙承恩十五章

主曰。子慕修靈。祈祐以遂。主弗速許。宜耐。速允宜感。宜謙以存。勤業以增。蓋寡多遲速。惟主。主若慰緩。毋憂而失望。思主初未允。嗣監吾勤。卽允。神樂。靈珍也。人祈卽主錫。弱靈難堪。冀行逾力。致隕夙德。惟謙惟望。符聖命可。但汝當思。主或弗予。或旣予復奪。咸由汝咎。主恩。非巨愆礙之。纖訖亦阻之。汝去巨與纖。并心委主。主諾而遂汝意。若否宜自慰而洽聖意。子心旣空。盡除世愛。主必錫恩以盈。子乃祉哉。領時惟祈聖。



輝。主卽物靈。

領先列需求拯十六章

士謂主曰。至愛上主。僕今將領之。主知罪醜。靈需。苦迫情牽。魔引。惟主克拯。今叩主闕。若貧擊富閥。祈主卹匱。熏心。愛火焯靈。錫厭世。貪主。忍耐世迂。俾抽世滓。賜享神滋。主乃吾愛。吾善。吾之飴糧也。慕主賜僕聖火一星。毋許心冷。靈餒。祈主悉僕。如恒悉善士焉。猗主頻燄。神火罔熄。茲旣近主。心燄何幸耶。

熾心慕領十七章

善士領先。謂主深歎曰。聖善多士。恒以煦心領主。茲僕將領。

慕法之主。吾禧。吾愛。吾善也。吾慕心炎。大逾諸聖。若炎不逮。獻吾身靈。內外聽主條理。若主理卑僕焉。噫。聖母領報。獻主潔胎。厥脩奇哉。僕慕師厥信。望愛謙淨之諸德。以領聖若翰保弟處母胎時。覺主亦在聖母淨胎。無任踴躍。後凡瞻主。厥忻如是。僕今胡彷彿耶。茲仗祈眾聖。諸善友朋。代吾獻主其愛領。慕嘿道。諸精功。以致主榮于萬世。另冀善士既領聖體。既飫聖宴飴味。記吾一念。求主。懇盼寡乏也。

實信聖體勿究厥理十八章


友欲無謬。勿究聖體淵理。經曰。人欲徑瞠主燭。靈目必眩。彌瞠彌昏。主能不優。邁踰世睿。叩聖體奧旨。以伏明悟。從庶聖

解。乃可。惟圖脩領。恒遵十誠。尤可。妄圖察淵。致壞靈性。眾矣。主惟求汝善。信。不求測厥奇。物囿汝下。尙曖厥情。聖體邁超汝上。欲洞厥理。詎非惑耶。遜志伏明。主乃諭之。使知要情。有時。魔投誘。謀殺汝信。勿聆之。亦勿審汝念誠否。確遵經旨。篤信聖言。誘卽遜也。魔計籠牢善士。罔慮惡儔。蓋渠已隳其矜。友以謙。謹。信。近領。理有未晰。仗主釋之。厥詎汝誑。怙己耿慧。不免誑惑。主照誠遜。弗燭傲哲。性光乃耿。屬謬。信耀恒真。彼必後此如僕。此必率彼若主。聖體之端。信德之緒。蘊主多奇。人能悉闕主行。行亦何奇有。

24  
762210  
1/

4

762210  
0



645